



巴令輯覽

卷十七冬令

卷十八十月令

卷十九十一月令





月令輯要卷十七

冬令

天道

坎為勞卦

**增**易勞乎坎疏坎是象水之卦水行不舍晝夜所以為勞卦又是正北方之卦斗柄

指北於時為冬冬時萬物閉藏納受為勞是坎為勞卦也

冬日

**原**詩冬日烈烈箋烈烈猶栗烈也**增**張正元冬日可愛詩寒日臨清晝遼天一望時未消埋逕

雪先煖讀書帷屬思光難駐舒情影若遺晉臣曾比德謝客昔言詩散彩寧偏照流陰信不追餘輝如可



就迴燭幸無私韓維詩端居無所聊稍復治文字南  
堂冬日明窻戶煖可喜圖書羅滿前意覽不由次

**壬癸**增禮其日壬癸注壬之言任也癸之言揆也日  
之行東北從黑道閉藏萬物月為之佐時萬物

懷任於下揆然萌芽又因以為日名焉漢書律歷志  
懷任於壬陳揆於癸說文壬北方位也陰極陽生象

人裏妊之形癸承壬象人足原釋名壬妊也陰陽交  
物懷妊也至子而萌也癸揆也揆度而生乃出之也

**顓頊元冥**增禮其帝顓頊其神元冥注顓頊高陽氏  
也元冥少皞氏之子曰修曰熙為水官疏

按左傳云少皞氏有子曰修曰熙為元冥是相代為  
水官也帝王世紀顓頊黃帝之孫昌意之子以水承

金位在北方主冬以水事紀官陸雲歲暮賦顓頊御  
時元冥統官天廟既底日月貞觀淪重陽於潛戶兮

嚴積陰  
於司寒

**冬為中**增禮北方者冬冬之  
為言中也中者藏也

**元英**原爾雅冬為元英  
注氣黑而清英

**安寧**原爾雅冬為安寧新論冬之德寒寒不信  
則水土不堅水土不堅則安靜之德廢

**月德**原管子北方日月其時曰冬其氣曰寒寒生水  
與血其德淳越溫怒周密其事號令修禁徙民

令靜止地乃不泄斷刑致罰無赦有罪以符陰氣大  
寒乃至甲兵乃強五穀乃熟國家乃昌四方乃備此

謂月德月掌罰罰為寒注  
月以閉藏罰罪為德也



冬為信原尸子冬為信北方為冬萬物冬皆

斗柄指北原鵠冠子斗柄

閉凍原韓非子周公曰冬日之閉凍也不固則春夏

乎人

陽氣下藏增越絕書冬三月之時草木既死萬物各

得成功於外原後漢書魯恭傳易曰潛龍勿用言十

一月十二月陽氣潛藏未得用事雖煦噓萬物養其  
根芟而猶盛陰在上地凍  
水冰陽氣否隔閉而成冬

天關動增史記天官書黑帝行德天關為之動注黑

為之開  
閉也

辰星增漢書天文志辰星曰北方冬水知也聽

伏方原漢書律歷志太陰者北方北伏也陽氣伏於

北方者何也伏方也伏方何以謂之冬冬者

乘坎執權原漢書魏相傳北方之神顓頊乘坎執權

助冬藏增春秋繁露太陰因

日行北陸

原後漢書律曆志日行北陸謂之冬

羽聲調

增晉書律歷志水音羽三分商去一以生其數四十八屬水者以為最清物之象也冬氣

和則羽聲調

雪花六出

原宋書符瑞志草木花多五出雪花獨六出

六氣十八候

增張正見詩九冬飄遠雪六出表豐年

增卑雅立冬之節初五日水始冰次五日閉塞而成冬次仲冬大雪之節初五日鷓鴣不鳴次五日虎始交後五日荔挺出次冬至氣初五日蚯蚓結次五日麋角解後五日水泉動次季冬小寒之

節初五日雁北鄉次五日鵲始巢後五日雉始雊次大寒氣初五日雞始乳款冬華次五日鷲鳥厲疾後五日水澤腹堅凡此六氣一十八候皆冬氣正養藏之令

三建之氣

增蠡海集三建雖曰天開於子地闢於丑人生於寅然却但以冬至為一建小寒為

二建大寒為三建也何以知其然也蓋造曆始於冬至察天氣也候花信之風始於小寒察地氣也辨人身之氣始於大寒以厥陰為首察人氣也豈非三建之氣只在於立春之前也歟

政典

冬烝

原禮冬日烝疏烝者衆也冬之時物成者衆孫炎云烝進也進品物也增公羊傳冬日烝注薦



尚稻鴈烝衆也氣盛貌冬萬物畢成所薦衆多芬芳備具故曰烝

**車旂服物**原禮乘元路駕鐵驪載元旂衣黑衣服元

火寒時食之亦以安性也彘水畜也器闕而奄象物閉藏也

**獻狼**原周禮天官獸人冬獻狼疏狼山獸

**堂贈**增周禮春官男巫冬堂贈無方無筭注堂贈謂逐疫也無方四方為可也無筭道里無數遠益

善也

**祭馬步**原周禮夏官校人冬祭馬步獻馬講馭夫注馬步神為災害馬者獻馬見成馬於王也馭

夫馭貳車從車使

車者講猶簡習

**沃漏**增周禮夏官挈壺氏及冬則以火爨鼎水而沸

沃之謂沃漏也

**祭功臣**原周禮夏官司勳凡有功者祭於大烝疏冬時物成者衆故祭功臣

**攻蟄獸**增周禮秋官穴氏掌攻蟄獸各以其物火之

其所食之物於穴外以誘出之乃可得之

**冬官**增周禮冬官考工記疏象冬所立官也是官名司空者冬閉藏萬物天子立司空使掌邦事亦

所以富立家使民無空者也唐書

百官志光宅元年改工部曰冬官

**冬狩**原爾雅冬獵為狩疏狩圍守也

冬物畢成獲則取之無所擇也

**事時**增左傳襄公十三年冬城防書事時也於是將

早城臧武仲請俟畢農事禮也注土功雖有常

節通以事

間為時

**烝獻功**增國語王后親織元統公侯之夫人加之以

紘縵卿之內子為大帶命婦成祭服列士之

妻加之以朝服自庶士以下皆衣其夫社而賦事烝

而獻功男女效績愆則有辟注冬祭曰烝烝而獻五

穀布帛之功也

**六行時節**增管子六行時節君服黑色味鹹味聽徵

之火爨藏慈厚行薄純坦氣修通注水

成數六水氣行君則順時節而布政

**冬五政**原管子冬三月以壬癸之日發五政一政曰

論孤獨恤長老二政曰善順陰修神祀賦爵

祿授備位三政曰效會計毋發山川之藏四政曰捕

姦遁得盜賊者有賞五政曰禁遷徙止流民圍分異

五政苟時

冬事不過

**水行御**增管子睹壬子水行御天子出令命左右使

人內御御其氣足則發而止其氣不足則發

擱瀆盜賊數剝竹箭伐檀柘令民出獵禽獸不釋巨

少而殺之所以貴天地之所閉藏也然則羽卵者不



段毛胎者不臚臙婦不銷棄  
草木根本美七十二日而畢

**后土為李**

增管子后土辯乎北方故使為李是故冬者李也注李獄官也取使象水平之也

**收五藏**

增管子冬收五藏最萬物所以內作民注於四時事皆備故人有百倍之功

**出衣發粟**

原晏子春秋景公之時雨雪三日而不霽公被狐白之裘坐堂側陞晏子入見公曰

怪哉雨雪三日而不寒晏子對曰嬰聞古之賢君飽而知人之飢溫而知人之寒今君不知也公曰善乃

令出衣發粟與飢寒

**徙函谷關**

增漢書武帝紀元鼎三年冬徙函谷關於新安以故關為弘農縣

**作盛唐樅陽歌**

增漢書武帝紀元封五年冬行南巡狩至於盛唐望祀虞舜於九嶷登灑

天柱山自尋陽浮江親射蛟江中獲之舳艫千里薄樅陽而出作盛唐樅陽之歌遂北至瑯邪並海所過

禮祠其名  
山大川

**立北時**

增漢書郊祀志高祖二年冬東擊項籍而還入關問故秦時上帝祠何帝也對曰四帝有

白青黃赤帝之祠高祖曰吾聞天有五帝而四何也吾知之矣迺待我而具五也迺立黑帝祠名曰北時

**水神司令**

原淮南子北方之極自九澤窮夏晦之極北至今正之谷有凍寒積冰雪雹霜霰漂

潤羣水之野顓頊元冥之所司者萬二千里其令曰申羣禁固閉藏修障塞繕關梁禁外徙斷罰刑殺當

罪閉關閭大搜客止交遊禁夜樂蚤閉晏開以塞姦  
人已得執之必固天節已幾刑殺無赦雖有盛尊之  
親斷以法度毋行水毋發  
藏毋釋罪注元冥水神

### 司空司冬

原大戴禮司空司冬以制度制地事準揆  
山林規表衍沃畜水行衰濯浸以節四時

之事治地遠近以  
任民力以節民食

### 成冬事

增大戴禮方冬三月草木落庶虞藏五穀必  
入於倉於時有事烝於皇祖皇考息國老六

人以成  
冬事

### 固地藏

原尚書大傳天子以冬命三公謹蓋  
藏閉閭固封境以佐冬固地藏也

### 遣子入侍

增後漢書光武紀建武二十一年冬鄴善  
王車師王等十六國皆遣子入侍奉獻願

請都護帝以中國初定未遑  
外事廼還其侍子厚加賞賜

### 上狀流涕

原後漢書虞詡傳祖父經為郡獄吏案法  
平允務存寬恕每冬月上其狀恒流涕隨

之嘗稱曰東海于公高為里門而其子定國卒至丞  
相吾決獄六十年雖不及于公其庶幾乎子孫何必  
不為九卿邪故

字詡曰升卿

### 教民織績

原後漢書崔寔傳出為五原太守五原土  
宜麻晝而俗不知織績民冬月無衣積細

草而臥其中見吏則衣草而出寔至官斥賣儲峙  
為作紡績織絰練緼之具以教之民得以免寒苦



講五行章句

增後漢書桓郁傳注上謂郁曰卿經及

所制五行章句已復令郁說一篇上謂

郁曰我為孔子卿為子夏起予者商也

增魏志杜畿傳畿為河東太守課民畜牝

農家家豐實畿乃曰民富矣不可不教也於是冬

月修戎講武又開學宮親自執經教授郡中化之

鄭陂增魏志鄭渾傳遷陽平沛郡二太守郡界下濕

稻田郡人皆以為不便渾曰地勢洿下宜漑灌終有

魚稻經久之利此豐民之本也遂躬率吏民興立功

夫一冬間皆成比年大收頃畝歲增租

入倍常民賴其利刻石頌之號曰鄭陂

宣武觀大閱增晉書禮志武帝咸寧元年太康四

年六年冬皆自臨宣武觀大閱眾軍

綈几原西京雜記漢制天子玉几冬則加綈錦其上

則五色綾文以酒為書滴取其不冰以玉為硯亦取

其不冰公侯皆以竹木為几冬則以細罽為橐以憑

之不得

加綈錦

把燭看事

增梁書武帝紀勤於政務孜孜無怠每至

冬月四更竟即勅把燭看事執筆觸寒手

裂為皴

方山埭增梁書沈瑀傳湖熟縣方山埭高峻冬月公

私行侶以為艱難明帝使瑀行治之瑀乃開

政典

四洪斷行客就  
作三日立辦

**受田簿曆**

增唐六典京畿及天下諸縣令若應受之田皆起十月里正勘造簿曆十一月縣令

親自給授十月內畢

**朝集使考績**

增唐六典凡天下朝集使皆令都督刺史及上佐更爲之皆以十月二十五日

至於京都十一月一日戶部引見訖於尚書省與羣官禮見然後集於考堂應考績之事

**舊判注擬**

增唐六典凡注官皆對面唱示若官資未相當及以爲非便者聽至三注三注不伏

注至冬檢舊判注擬

**冬教義勇**

增長編宋仁宗朝河北河東初置義勇至英宗朝推行其法漸及陝西皆以地接胡

羌有守禦之備每歲冬教一月民雖以爲勞而邊防之計有不得已

**祠事隸太常**

增玉海熙寧四年冬詔以諸寺監祠事隸太常以肅奉神之禮

**民用**

**旨蓄**

原詩我有旨蓄亦以御冬箋蓄聚美菜者以御冬月乏無時也

**魚性定**

增詩序潛季冬薦魚疏冬月既寒魚不行乃性定而肥充故冬薦之也天官庖人注云魚

鴈水涸而性定則十月已定矣但十月初定季冬始肥取其尤美之時薦之也

月令輯要

卷十七冬令

民用



**冬脉如營**

**增**內經帝曰冬脉如營何如而營歧伯曰冬脉者腎也北方水也萬物之所以合藏也故其氣來沈以搏故曰營

**養藏**

**原**內經冬三月此謂閉藏水冰地坼無擾乎陽早臥晚起必待日光使志若伏若匿若有私意若已有得去寒就溫無泄皮膚使氣亟奪此冬氣之應養藏之道也逆之則傷腎

**稻含水**

**增**春秋說題辭稻之為言藉也稻冬含水盛其德也故稻太陰精含水漸洳乃能化也江旁多稻固其宜也

**女工**

**原**漢書食貨志冬民既入婦人同巷相從夜績女工一月得四十五日必相從者所以省費燎

火同巧拙而合習俗也

**文史足用**

**原**漢書東方朔傳朔上書曰臣年十三學言文史之事足可用也

**祭井**

**增**白虎通冬祭井井者水之深藏在地中冬亦水王萬物伏藏

**臥東藁中**

**原**三輔決錄孫辰字允公家貧不仕居杜城中織箕為業明詩書為郡功曹冬月無被有藁一束暮臥其中旦收之

**祀行**

**增**獨斷行冬為太陰盛寒為水祀之於行在廟門外之西較壤厚二尺廣五尺輪四尺北面設

主於  
較上

**韭萍齋**

原晉書石崇傳每冬得韭萍齋王愷密貨崇帳下問其所以荅云韭萍齋是擣韭根雜以

麥苗  
耳

**冬祀**

增盧諶祭法冬祀用雉腊又冬祀用甘用荆飭

**不寒方**

增抱朴子或問不寒之道抱朴子曰或以立

冬之日服六丙六丁之符或閉口行五火之炁干二百遍則十二月中不寒也或服太陽酒或服紫石英米漆散或先服雄丸一雌丸二亦可堪一日一夜不寒也雌丸用雌黃曾青礬石磁石也雄丸用雄黃丹砂石膽也

**肥馬草**

原南方草木狀南方冬無積藁瀕海郡邑多馬有草葉類梧桐而厚取以秣馬謂之肥馬

草馬頗嗜而食果肥壯矣

**冬葉**

原南方草木狀冬葉薑葉也苞苴物交廣皆用之南方地熱物易腐敗惟冬葉藏之乃可持久

**莽煌為席**

增拾遺記岱輿山有草名莽煌葉圓如荷去之十步炙人衣則焦刈之為席方冬彌

溫以枝相摩則火出

**醇和麥**

增拾遺記背明國在扶桑東見日出於西方其國昏昏常暗有醇和麥為麴以釀酒一醉

累月食之凌冬可袒

月令輯要

卷十七 冬令

民用

三



蕝菹

**增**益州記蕝之莖蜀人於冬月取以春碎炙之水淋一宿為菹

採雄黃

**增**水經注黃水出零陽縣西北連巫山溪出丈方得佳黃故

溪水取名焉

採朮

**增**名醫別錄朮以蔣山白山茅山者為勝十一月十二月採者好多脂膏而甘其苗可作飲甚

美香

種瓜子

**增**齊民要術區種瓜法以瓜子布坑中以糞覆之又以土薄散糞上以足微躡之冬月大雪時速併力推雪於坑上為大堆至春草生瓜亦生莖葉肥茂異於常者又法冬天以瓜子數枚內熱牛

糞中凍即拾聚置之陰地正月地釋即耕布之糞土覆之肥茂早熟

藏雪汁

**增**齊民要術澆種可用雪汁雪汁者五穀之精也使稼耐旱常以冬藏雪汁器盛埋於地

中治種如此則收常倍

預知子

**增**圖經本草預知子蔓生依大木上葉綠有三角實作房生青熟深紅色每房有子五七枚斑褐色光潤如飛蛾蜀人每貴重之其根冬月采之陰乾治蠱其功勝於子也相傳取子二枚綴衣領上遇有蠱毒則聞其有聲當預知之故名

蒺藜

**增**圖經本草蒺藜冬月采之黃白色郭璞云布地蔓生細葉子有三角刺人

**菩薩草** 增圖經本草菩薩草生江浙州郡凌冬不凋秋中有花直出赤子如蕩頭冬月采根用味

苦主中諸毒研服之又諸蟲傷搗汁飲并傳之

**桃諸** 增釋名桃諸藏桃也諸儲也藏以為儲待給冬月用之也

**瓠蓄** 增釋名瓠蓄皮瓠以為脯蓄積以待冬月時用之也

**醍醐** 增唐本草醍醐酥之精液好酥一石有三四升醍醐在酥中盛冬不凝

**服藥酒** 增千金方冬三月宜服藥酒一二杯立春則止終身常爾百病不生

**石燕** 增食療本草石燕在乳穴石洞中者冬月采之堪食

**暖寒會** 原開天遺事巨豪王元寶每至冬月大雪之際令僕夫自本家坊巷口掃雪為徑路躬親

立於坊巷前迎揖賓客就本家具酒炙宴樂之為暖寒之會

**玉枝** 增福地記抱犢山有草名玉枝冬生花高五六尺味頗甘取其葉末服之可以不飢

**山薑** 增嶺表錄異山薑莖葉皆薑也但根不堪食亦與豆蔻花相似而微小爾花生葉間作穗如麥

粒醃藏入甜糟中經冬如琥珀色辛香可愛用為鱠無以加矣

**花腊** 增清異錄醑醑盛開時置書冊中冬間取以插鬢蓋花腊耳

**魚兒酒** 增清異錄裴晉公盛冬嘗以魚兒酒飲客其法用龍腦凝結刻成小魚形狀每用沸酒一



盞投一魚其中

**黑金社**增清異錄廬山白鹿洞遊士輻輳每冬寒釀金市烏薪為禦冬備號黑金社

**曉羹寒鮓**增清異錄吳淑冬日招客詩云曉羹沈玉杵寒鮓疊金綿杵謂小截山蕓綿乃黃雀

脂膏

**服天門冬**增證類本草列仙傳云赤松子服天門冬齒落更生細髮復出太原甘始服天門冬

在人間三百餘年聖化經云以天門冬茯苓等分為末日服方寸七則不畏寒大寒時單衣汗出也

**無烟柴**增物類相感志伏中收松柴斫碎以黃泥水浸皮脫晒乾冬月燒之無烟

**朝天門市**增乾淳歲時記都下自十月以來朝天門內外競售錦裝新曆諸般大小門神桃符

鍾馗後猊虎頭及金綵縷花春帖旛勝之類為市甚盛

**醉魚**增曲洧舊聞溱洧之源出馬嶺今在河南府永安界號玉仙山歷城東南為溱洧其水清有魚

數種土人不善施網罟冬積柴水中為罾以取之以擣澤蓼雜煮大麥撒深潭中魚食之輒死浮水可俯

掇久之復活謂之醉魚云

**水絃坑石**增歙硯說水絃坑在眉子坑外臨溪至冬水涸方能取之入地丈餘石多金花

**采威靈仙**增開寶本草威靈仙出商州上洛山及華山并平澤以不聞水聲者為良生先於衆

草方莖數葉相對冬月

丙丁戊己日采根用

**食蘆菔**

**增**五色線王旻好勸人食蘆菔根葉云冬食功多力甚養生之物也

**冬瓜**

**增**湧幢小品白冬瓜一二斗許大冬月收為菜又蜜餞代果可以禦冬故曰冬瓜今皆誤書曰

東蓋因西瓜之對也

**韭黃**

**增**本草綱目北人至冬移根於土窖中培以馬尿暖則即長高可尺許不見風日其葉黃嫩謂

之韭黃豪貴皆珍之

**冬蔥**

**增**本草綱目冬蔥即慈蔥或名大官蔥謂其莖柔細而香可以經冬大官上供宜之故有數名

**鯽魚**

**增**本草綱目埤雅云鯽魚旅行以相即也故謂之鯽不食雜物故能補胃冬月肉厚子多其味

尤美

**玉面狸**

**增**本草綱目南方有玉面狸專上樹木食百果冬月極肥人多糟為珍品大能醒酒

**鼠鬚筆**

**增**本草綱目鼬似貂而大色黃而赤其毫與尾可作筆嚴冬用之不折世所謂鼠鬚栗尾

者是也

**德慶果**

**增**本草綱目德慶果廣之德慶州出之其樹冬榮子大如盃炙而食之味如豬肉

**冰鼠席**

**增**本草綱目冰鼠東方朔云生北荒積冰下皮毛甚柔可為席臥之却寒



月令輯要 卷十一  
敲冰紙 增楊慎集張伯玉蓬萊閣詩敲冰呈好手織素競交鸞 註越俗競誇敲冰紙剡水清潔山

又多藤楮以敲水時製之佳蓋冬水也

芋白 增農政全書霜後芋子上芋白擘下以液漿水煤過燉乾冬月炒食味勝蒲笋

木瓜飲 增農政全書木瓜爛蒸搗作泥入蜜與薑作煎飲用冬月尤美

寄魚 增農政全書冬月乾塘取魚寄別池內或入大桶速乾水取生泥壅池生泥只取爛泥弗取乾

者取過泥速栽荇草放水入魚凡小池定在大池之旁以便冬月寄魚

迎風不冷 增農政全書用馬牙硝為細末唾調塗手及面則寒月迎風不冷

取之 鮪魚 增邵武縣志樵嵐山一名金蓮峯樵溪之水出焉溪產魚曰鮪紅翼而白鰓冬月始出漁人競

益腎氣 原雲笈七籤治腎當用吹吹為瀉吸為補夫腎者陰之精坎之氣其色黑其象如圓石其

神如白鹿兩頭化為玉童長一尺出入於腎藏腎者冬之用事常以十月十一月十二月面北平坐鳴金梁七飲玉泉三吸元宮之黑氣入口九吞之以補吹之損以符呦鹿之詞以致玉童之饌益腎氣神和體安可致長生之道

### 物候

月令輯要 卷十一

螽子冬生 **原**春秋宣公十五年冬螽生 **註**螽子以冬生遇寒而死故不成螽

猾褊

**增**山海經堯光之山有獸焉其狀如人而彘鬣穴居而冬蟄其名曰猾褊其音如斲木見則縣

有大

石水

**增**內經三陽獨至期在石水 **註**石水者謂冬月水冰如石之時故云石水也

櫛木

**增**列子吳楚之國有大木焉其名爲櫛碧樹而冬生實丹而味酸食其皮汁已僨厥之疾齊州

珍之渡淮而北而化爲枳焉

桂樹冬榮

**原**楚辭嘉南州之炎德兮麗桂樹之冬榮

魚柏冬日

**增**史記河渠書天子既臨河決作歌曰吾山平兮鉅野溢魚沸鬱兮柏冬日 **註**柏猶

迫也漢書音義曰鉅野滿溢則衆魚沸鬱而滋長也迫冬日乃止

薺冬美

**增**春秋繁露薺以冬美冬水氣也薺甘味也乘於水氣而美者甘勝寒也夏侯湛薺賦寒

冬之日余登乎城跬步乎北園見芳薺之時生被畦疇而獨繁鑽重冰而挺茂蒙嚴霜以發鮮

靈草

**增**後漢書班固傳靈草冬榮神木叢生

冬生草

**原**說文竹冬生草也象形下垂者箬箬也

女貞

**增**典術女貞木者少陰之精冬葉不落鄭氏婚禮謁文贊女貞之樹柯葉冬生寒涼守節險不

月令輯要

卷十一 冬令

物候

六



能傾

**冬得生葵**

**增**列仙傳丁次都不知何許人為遼東丁氏作奴丁氏常使買葵冬得生葵問何得

此葵云從日南買來

**簞筍**

**增**竹譜簞筍竹類一尺數節亦中作矢其筍冬生

**長樂華**

**增**傅休奕紫花賦序紫華一名長樂華舊生於蜀其東界特饒中國奇而種之余嘉其華

純耐久可歷冬而服故與友生各為之賦

**崑崙柰**

**原**拾遺記崑崙山有柰冬生子碧色以玉井水洗食之骨輕柔能騰虛也

**辟寒金**

**原**述異記三國時昆明國貢魏嗽金鳥鳥形如雀吐金屑如粟至冬此鳥即畏霜雪帝乃

起溫室以處之名曰辟寒臺故謂吐此金為辟寒金

**冬杏**

**增**述異記杏園洲在南海中洲中多杏海上人云仙人種杏處洲中別有冬杏

**丹水**

**增**水經注丹水東南歷西巖下巖下有泉湧發洪源巨輪淵深不測蘋藻冬芹竟川含綠雖

嚴辰肅月燕麥暄萋

**忍冬**

**原**名醫別錄忍冬藤生凌冬不凋故曰忍冬

**檉木冬榮**

**增**江淹檉頌木貴冬榮檉實寒色停黛峰頂插翠石側

**山橘子** 增北戶錄 山橘子冬熟有大如土瓜者次如彈丸者皮薄下氣普寧多有之

**木醴** 增建康實錄 陳後主禎明二年初覆舟山及松柏林冬月出木醴後主以為甘露之瑞俗呼為

雀餉

**水耐冬** 增西陽雜俎 水耐冬此草經冬在水不死成式於城南村墅池中有之

**蟻窠甘實** 增西陽雜俎 嶺南有蟻大於秦中馬蟻結窠於甘樹甘實時常循其上故甘皮薄而

滑往往甘實在其窠中冬深取之味數倍於常者

**水底蘋** 增西陽雜俎 太原晉祠冬有水底蘋不死食之甚美

**水扎鳥** 增太平御覽 南夷志水扎鳥出昆明池冬月遍於水際

**冬桃** 增曲洧舊聞 密縣有一種冬桃秋花夏實八九月間桃自開其核墮地而復合肉生滿其中至

冬而熟味如淇上銀桃而加美亦異也

**川芎美** 增益部方物記 芎葉為蘼蕪楚辭謂江離者根為芎葉落時可用作羹蜀少寒莖葉不萎

今醫家最貴川芎云贊柔葉美根冬不殞零采而掇之可糝於羹

**長生草** 增益部方物記 長生草山陰蕨地多有之修莖茸葉色似檜柏而澤經冬不凋損故號長

生贊色與柏類苒苒其莖冬不甚黃故謂長生



**羞寒花**增益部方物記羞寒花蜀地處處有之根莖綴花蔽葉自隱俗曰羞天花予易為羞寒花

贊冒寒而茂莖修葉廣附莖作花葉蔽其上以其自蔽若有羞狀

**燻麻**增益部方物記燻麻葉能螫人有花無實冒冬弗悴可以祛疾

**冬青**增政和本草冬青冬月青翠故名冬青江東人呼為凍青

**伏翼服氣**增本草綱目伏翼善服氣故能壽冬月不食

**兔得金氣**增本草綱目兔至冬月齧木皮得金氣而不美故味美至春食草麥而金氣衰故

也

**禽蟄**增古詩翩翩堂前燕冬藏夏來見增本草綱目倉庚冬月則藏蟄入田塘中以泥自裹如卵至春始出又杜鵑不能為巢居他巢生子冬月則藏蟄

**拒冬**增本草綱目續隨子一名拒冬蘇頌曰葉中出葉數數相續而生故名續隨子冬月始長故又

冬名拒

**遊冬**增本草綱目苦菜一名遊冬經歷冬春故名

**柳寄生**增羣芳譜柳寄生狀類冬青亦似紫藤經冬不凋冬月望之雜百樹中榮枯各異出蜀中

**海梅**增峩眉山志海梅高僅三尺冬月開小花結實如櫻桃

冬月開小花結實如櫻桃

占驗

愆候

**增**管子冬行秋政霧行夏政雷行春政沍泄淮南子冬行春令泄行夏令旱行秋令霧

夏秋霖雨

**增**管子冬作土功發地藏則夏多暴雨秋霖不止

冬之德寒

**增**呂氏春秋冬之德寒寒不信其地不剛地不剛則凍閉不開

月行角天門

**增**史記天官書月行角天門十月為四月十一月為五月十二月為六月水發

近三尺遠五尺註謂月行入角與天門若十月犯之當為來年四月成災十一月則主五月也

霧淞

**增**曾鞏齊州冬夜詩香清一榻氍毹暖月淡千門霧淞寒自註齊寒甚夜氣如霧凝於木上旦

視如雪日出飄滿階庭尤為可愛齊人謂之霧淞

諺曰霧淞重霧淞窮漢置飯甕以為豐年之兆

麥宜雪

**增**種樹書麥最宜雪諺云冬無雪麥不結

護霜天

**增**農政全書冬天近晚忽有老鯉斑雲起漸合成濃陰者必無雨名曰護霜天

南風作雪

**增**農政全書冬天南風三兩日必有雪

日行下道

**增**雜寶藏經須彌山有上下道日於冬時行下道路近行速照大海水故短而極寒

雜紀

築郎囿

**增**左傳昭公九年冬築郎囿書時也季平子欲其速成也叔孫昭子曰詩曰經始勿亟庶

月令輯要

卷十七冬令

占驗

三



民子來焉用速成其以勦民也

**如挾纊**原左傳宣公十二年冬楚子伐蕭遂圍蕭申公巫臣曰師人多寒王巡三軍拊而勉之三

軍之士皆如挾纊

**景公履**原晏子景公為履黃金之綦飾以銀連以珠良王之約其長尺冰月服之以聽朝晏子朝

公迎之履重僅能舉足問曰天寒乎晏子曰君奚問天之寒也古聖人製衣服也冬輕而暖夏輕而清今君之履冰月服之是重寒也履重不節是過任也

**不龜手藥**增莊子宋人有善為不龜手之藥者世世以泔澣統為事客聞之請買其方百金得

之以說吳王越有難吳王使之將冬與越人水戰大敗越人裂地而封之

**叩絃冰散**增列子鄭師文學琴於師襄當冬而叩徵絃以激蕤賓陽光熾烈堅冰立散

**罷鑿池役**原呂氏春秋衛靈公天寒鑿池宛春諫曰天寒起役恐傷民公曰天寒乎宛春曰公

衣狐裘坐熊席陬隅有竈是以不寒今民衣敝不補履決不組君則不寒矣民則寒矣公曰善令罷役

**飲酒益精明**原漢書于定國傳定國食酒至數石不亂冬月治請讞飲酒益精明

**奏罷不時物**增漢書召信臣傳大官園種冬生蔥韭菜茹覆以屋廡晝夜難蘊火待溫氣乃

生信臣以為此皆不時之物有傷於人不宜以奉供養悉奏罷

去酒省食增漢書杜延年傳延年子緩為太常治諸陵縣每冬月封具獄日常去酒省食官屬

稱其有恩

煬竈原淮南子貧人冬則羊裘解札短褐不掩形而煬竈口

豕膏塗身增後漢書東夷傳挹婁古肅慎之國也土氣極寒常為穴居好養豕食其肉衣其皮

冬以豕膏塗身厚數分以禦風寒

解徒桎梏原後漢書鍾離意傳意辟大司徒侯霸府詔部送徒詣河內時冬寒徒病不能行意

遂於道解徒桎梏恣所欲過與尅期俱至無或違者

溫室增三輔黃圖溫室殿武帝建冬處之溫暖也

寒荷增洞冥記釣影山去昭河三萬里有雲氣望之如山影有紫河萬里深十丈中有寒荷霜下方

香盛

誦孝經論語增邴原別傳原家貧早孤鄰有書舍原過其旁而泣師曰童子苟有志我徒相

教不求資也於是遂就書一冬之間誦孝經論語自在童龀之中嶷然有異及長金玉其行

方冬筍出原楚國先賢傳孟宗母好食筍宗入林中哀號方冬為之出因以供養人皆以為孝

感所致



冰解鯉躍

原晉書王祥傳祥繼母常欲生魚時天寒

躍出持之而歸鄉里驚歎以爲孝感所致焉

澤中堇生

原晉書劉殷傳曾祖母王氏盛冬思堇而

不言食不飽者一旬矣殷怪而問之王言其故殷時年九歲乃於澤中慟哭聲不絕者半日忽若有人云止止聲殷收淚視地便有堇生焉因得斛餘而歸食而不減至時堇生乃盡

梅橘冬實

原南史王虛之傳虛之庭中楊梅樹隆冬

感所致

斷囚垂泣

原會稽典錄盛吉爲廷尉每至冬月罪囚當斷其妻執燭吉持丹筆相向垂泣

賜冬柰

增曹植謝賜柰表即夕殿中虎賁宣詔賜臣

等冬柰一奩詔賜使溫啖夜非食時而賜見及柰以夏熟今則冬至物以非時爲珍恩以絕口爲厚非臣等所宜荷之

冬月扇面

原晉書周顥傳王敦素憚顥每見顥輒面熱雖復冬月扇面手不得休

元武黑殿

增晉書張駿傳謙光殿北曰元武黑殿冬三月居之

澣衣披絮

原晉書吳隱之傳隱之遷左衛將軍雖居

披絮勤苦同於貧庶

月令輯要

卷十七冬令

雜紀

三

衣單布

**增**晉書公孫鳳傳鳳字子鸞上谷人也隱於昌黎之九城山谷冬衣單布寢土牀彈琴吟

詠陶然自得

謝庭詠雪

**增**晉書列女傳王凝之妻謝氏字道韞安西將軍奕之女也聰識有才辯嘗內集俄

而雪驟下叔父安曰何所似也安兄子朗曰散鹽空中差可擬道韞曰未若柳絮因風起安大悅

冬袒不寒

**原**抱朴子菖蒲石上生一寸九節以上紫花者尤善韓終服之十三年身生毛日視

書萬言皆誦之冬袒不寒

釀酒速成

**原**語林羊稚舒冬日釀酒令人抱甕須臾復易人速成而味好

素蓮

**增**拾遺記周穆王冬巡大騎之谷西王母來共玉帳高會進崑流素蓮素蓮者一房百子凌冬

而茂

獻筍

**增**竹譜廣志云魏時漢中太守王圖每冬獻筍俗謂之餛筍

泉氣浮蒸

**原**荊州記新陽縣惠澤中有溫泉冬月未至數里遙望白氣浮蒸如烟上下采映狀

若綺疏

雨棗

**增**述異記魏世河內冬雨棗

無複衣

**增**宋書沈道虔傳道虔冬月無複衣戴顓聞而迎之為作衣服并與錢一萬既還分身上

月令

冬令

雜紀

三



衣及錢供諸兄弟子無衣者

**涌泉愈疾**增魏書靈徵志高祖興和元年冬西兗州濟陰郡宛句縣濮水南岸有泉涌出色清味甘飲者愈疾

者愈疾

**馬得龍種**原隋書吐谷渾傳青海周迴千餘里中有小山其俗至冬輒放牝馬於其上言得龍種

種

**襦袴賜凍者**增南史梁安成康王秀傳天監十三年為鄂州刺史每冬月常作襦袴以賜凍者

者

**冬季**增南史王僧孺傳僧孺幼聰慧有餽其父冬季先以一與之僧孺不受曰大人未見不容先嘗

**葛帔練裙**原南史任昉傳昉有子東里西華南容北邨西華冬月著葛帔練裙道逢平原劉孝標泣然矜之乃著廣絕交論以譏其舊交

**冬服單薄**原南史顧協傳協少清介有志操初為廷尉正冬服單薄寺卿蔡法度欲解襦與之

憚其清嚴不敢發口謂人曰我願解身上襦與顧郎顧郎難衣食者竟不敢以遺之

**冬生樹神光**原南史滕曇恭傳門外有冬生樹二株時忽有神光自樹而起俄見佛像及夾

侍之儀容光顯著自門而入曇恭家人咸共禮拜久之乃滅

恭家人咸共禮拜久之乃滅

地氣冬溫

**增**舊唐書南蠻傳林邑國漢日南象林之地在交州南千餘里地氣冬溫不識冰雪

常多霧雨

敲冰煮茗

**原**開天遺事逸人王休居太白山下日與僧道異人往還每至冬時取溪冰敲其精

瑩者煮建茗共賓客飲之

煖玉鞍

**增**開天遺事岐王有玉鞍一面每至冬月則用之雖天氣嚴寒則此鞍在上坐如溫火之

氣

七寶硯鑪

**原**開天遺事內庫中有七寶硯鑪一所曲盡其功每至冬寒硯凍置於鑪上硯冰自

消不勞置火冬月帝常用之

鳳炭

**原**開天遺事楊國忠家以炭屑用蜜捏塑成雙鳳至冬月然於爐中先以白檀木鋪於爐底餘

灰不可參雜也

冬月致雷

**增**酉陽雜俎明皇嘗冬月召山人包超令致雷聲超對曰來日及午有雷遂令高力士

士監之一夕醮式作法及明至已矣曾無纖翳力士懼之超曰將軍視南山當有黑氣如盤矣力士望之如其言有頃風起黑氣瀾漫疾雷數聲

却寒簾

**原**杜陽雜編同昌公主堂中設却寒簾類玳瑁斑有紫色云却寒之鳥骨所為也



旗亭書壁

增

博異記

開元中詩人王昌齡高適王之

貫酒小飲忽有梨園伶官十數人登樓會宴俄有妙  
妓四輩尋續而至旋則奏樂皆當時之名部也昌齡  
等私相約曰我輩各擅詩名每不自定其甲乙今可  
密觀諸伶所謳若詩入歌詞之多者則為優矣俄而  
一伶拊節而唱乃曰寒雨連江夜入吳平明送客楚  
山孤洛陽親友如相問一片冰心在玉壺昌齡則引  
手畫壁曰一絕句尋又一伶謳曰開篋淚霑臆見君  
前日書夜臺何寂寞猶是子雲居適則引手畫壁曰  
一絕句尋又一伶謳曰奉帚平明金殿開強將團扇  
共徘徊玉顏不及寒鴉色猶帶昭陽日影來昌齡則  
又引手畫壁曰二絕句之渙自以得名已久因謂諸  
人曰此輩皆潦倒樂官所唱皆巴人下里之詞耳因

指諸妓之中最佳者曰待此子所唱如非我詩即終  
身不敢與子爭衡矣須臾次至雙鬟發聲則曰黃河  
遠上白雲間一片孤城萬仞山羌笛何須怨楊柳春  
風不度玉門關之渙即擲掄二子曰田舍奴我豈安  
哉因大諧笑諸伶皆起詣曰不知諸郎君何此歡噓  
昌齡等因話其事諸伶競拜曰俗眼不識神仙乞降  
清重俯就筵席三  
子從之歡醉竟日

撞人衣

增

南越志

撞人冬編

以水沃面

增

宋史范仲淹傳仲淹少有志操既長依

食不給至以糜粥繼之  
人不能堪仲淹不苦也

**解衣裘**

**增**宋史戚同文傳同文尚信義宗族閭里貧乏者周給之冬月多解衣裘與寒者不積財

不營居室深為鄉里推服

**雙角蛇**

**增**清異錄丹陽鍾忠以元嘉冬月晨行見有蛇長二尺許文色似青琉璃頭有雙角白如玉感而畜之自是貲業日登

是貲業日登

**冬蠶成繭**

**增**太平御覽唐大曆中太原府清源縣人韓景輝養冬蠶成繭詔給復終身

**海神移徙**

**增**春明退朝錄歐陽少師言為河北都轉運使冬月按部至滄景間於野亭夜半聞

車旂兵馬之聲幾達旦不絕問宿彼處人云是海神移徙五七年間一有之

**龍門賞雪**

**增**邵氏聞見前錄謝希深歐陽永叔官洛陽時同遊嵩山自潁陽歸暮抵龍門香山

雪作登石樓望都城各有所懷忽於烟靄中有策馬渡伊水來者既至乃錢相遣厨傳歌妓至吏傳公言

曰山行良勞當少留龍門賞雪府事簡無遽歸也錢相遇諸公之厚類此

**撤獸炭**

**原**國老談苑太宗嘗冬月命撤獸炭左右或

朕何獨溫愉哉

**蘇合香酒**

**增**夢溪筆談王文正太尉氣羸多病真宗面賜藥酒一注瓶令空腹飲之可以

和氣血辟外邪文正飲之大覺安健因對稱謝上曰此蘇合香酒也每一斗酒以蘇合香丸一兩同煮極能調



五臟却腹中諸疾每冒寒風興則飲一杯因各出數  
榼賜近臣自此臣庶之家皆倣爲之此方本出廣濟  
方謂之  
白朮丸

**冰花**

**增**夢溪筆談宋次道春明退朝錄言天聖中青  
州盛冬濃霜屋瓦皆成百花之狀又慶曆中集

禧觀渠中冰紋皆成花果林木元豐末秀州人家屋  
瓦上冰亦成花每瓦一枝正如畫家所爲折枝有大  
花似牡丹芍藥者細花如海棠萱草者皆有枝葉無  
毫髮不具氣象生動雖巧筆不能爲之以紙榻之無

異石

**春風膏硯**

**增**物類相感志冬月令水不冰以  
楊花鋪硯槽名文房春風膏硯

**車魚**

**增**東京夢華錄賣生魚則用淺抱桶以柳葉間  
串清水中浸或循街出賣冬月卽黃河諸遠處  
客魚來謂之車魚  
每斤不上一百文

**玻瓈江**

**增**吳船錄眉州城外卽玻  
瓈江也冬時水色如此

**溫洛**

**增**法帖刊誤今洛水冬月不冰古人謂之溫  
洛下有礪石取此石置甕水中水亦不冰

**摸瘞鶴銘**

**增**秀水閒居錄瘞鶴銘潤州揚子江焦山  
足石巖下惟冬序水退始可摸打世傳以

爲王逸  
少書

**幸溫泉宮**

**增**雍錄溫湯在驪山西北咸亨三年名溫  
泉宮天寶六載改爲華清宮於驪山上益

可令輯要

卷十七冬令

雜紀

三

治湯井爲池臺殿環列山谷開元  
間明皇每歲十月幸歲盡乃歸

**五磚入直**增雍錄學士院北廳前有花磚道冬中日  
及五磚爲入直之候李程性懶好晚入常

過八磚乃至衆  
呼爲八磚學士

**魚倉**原五色線青田溪冬天水熱  
如湯衆魚歸之名曰魚倉

**陽河**增方輿紀要陽河在薊州西五里亦名五里河  
源出城西鵝毛臺水性暖遇寒不冰故曰陽河

**三冬境**增傳燈錄僧問如何是三冬境能  
和尚曰千峯添翠色萬樹鎖銀華

**御製冬日重登清涼山詩紫府名山憶舊蹤招提駐罕**

認雲松陰崖尚有春時雪落日仍聽下界鐘塞遠渾

河寒更白林疎恒嶽翠逾重視釐交叶人天慶銀榜

新題徧五峯

**晉子夜冬歌**增白雪停陰岡丹華耀陽林何必絲與  
竹山水有清音又果欲結金蘭但看松

栢林經霜不墮  
地歲寒無異心

**曹毗詠冬詩**增綿邈冬夕永凜厲寒氣升離葉向晨  
落長風振條興夜靜輕響起天清月輝

澄寒冰盈渠結素霜竟欄凝  
今載忽已暮來紀奄復仍



唐太宗冬日臨昆明池詩

增石鯨分玉溜劫燼隱平沙柳影冰無葉梅心凍有

花寒野凝朝霧霜天散夕霞歡情猶未極落景遽西斜

白居易負冬日詩

增杲杲冬日出照我屋南隅負暄閉目坐和氣生肌膚初似飲醇醪

又如蟄者蘇外融百骸暢中適一念無曠然忘所在心與虛空俱

朱子冬日詩

增蕭索時序晚已復度高秋回澗白波起通川絳樹稠晨風散清霜嘉稻卷平

疇獨懷志士感歲事幸將休又清霜染澗樹蕭索向嚴冬密雨有時集寒雲無定容波明橫瀨出風急遠林空一極窻間眺高旻矗亂峯

月令輯要卷十七

# 月令輯要卷十八

## 十月令

### 天道

月卦坤

**增**易坤上六龍戰于野**集解**侯果曰坤十月

陽所以戰也干寶曰陰在上六月之時也爻終於西而卦成於乾乾體純剛不堪陰盛故曰龍戰

陽月

**原**詩曰歸日歸歲亦陽止**箋**十月為陽時坤用

**疏**十月得癸

則日極陽

月令輯要

卷十八

十月令

天道

一



定中

原詩定之方中作於楚宮集傳定北方之宿營室星也此星昏而正中夏正十月也於是時可

以營制宮室故謂之營室國語營室之中土功其始

註定謂之營室謂建亥小雪之中定星昏正於午土功可以始也

日在尾

原禮孟冬之月日在尾集說尾宿在寅析木之次

中星

原禮昏危中旦七星中淮南子註危北方元武之宿七星南方朱鳥之宿

律中應鍾

原禮律中應鍾集說應鍾亥律長四寸二分

應鍾應鍾者陽氣之應不用事也淮南子應鍾之數四十二主十月上生蕤賓白虎通十月謂之應鍾何

鍾動也言萬物應陽而動下藏也

虹藏不見

原禮虹藏不見四時氣候藏伏也陰陽氣交而成虹此時陰陽極乎辨故虹伏虹非

有質而日藏者亦言其氣之下伏爾

盛德在水

原禮先立冬三日太史謁之天子日某日立冬盛德在水天子乃齊

閉塞成冬

原禮天氣上騰地氣下降天地不通閉塞而成冬

時有養夜

原夏小正時有養夜傳養長也

織女北向

原夏小正織女正北鄉則旦

月令

卷一

十月

命

天道

**南門見**原夏小正初昏南門見傳南門者星名也及此再見矣

**天道在西北**增左傳襄公十八年十二月楚師伐鄭南師不時必無功註歲在豕韋月又建亥故曰多在西北不時謂觸歲月疏豕韋一名媿訾當亥之次也

又建亥故曰多在西北

**盈數**增左傳鄭伯自櫟入公父定叔出奔衛三年而復之使以十月入曰良月也就盈數焉疏易云

天一地二天三地四天五地六天七地八天九地十是數滿於十也

**大章**增史記天官書大淵獻歲歲陰在亥星居辰以十月與角亢辰出曰大章蒼蒼然星若躍而陰

出旦是謂正平起師旅其率必武其國有德將有四海其失次有應見婁

**外黑內赤**增史記封禪書張蒼以為漢乃水德之始故河決金堤其符也年始冬十月色外黑

內赤註十月陰氣在外黑陽氣尚伏在地故內赤

**招搖指亥**原淮南子孟冬之月招搖指亥增晉書樂志十月之辰謂為亥亥者効也言時陰氣

効殺萬物也

**孟冬**原古詩玉衡指孟冬眾星何歷歷白露沾野草增張衡西京賦孟冬作陰寒風肅

殺雨雪飄飄冰霜慘烈魏武帝步出夏門行孟冬十月北風裴回天氣肅清繁霜霏霏鷓鴣晨鳴鴻鴈南



飛蟄鳥潛藏熊羆窟棲錢鎔停置農收積場  
逆旅整設以通商賈幸甚至哉歌以詠志

羣陰畢升增庾倏冰井賦孟冬之月羣陰畢升霜雪  
將却熱

以藏冰

上冬原梁元帝纂要十月孟  
冬日上冬亦曰暢月

乾坤合居增周易集解乾以君之荀爽曰謂  
建亥之月乾坤合居君臣位得也

顓帝曆首增漢上易解連山首艮者八風始於不周  
實居西北之方七宿之次是為東壁營室

於辰為亥於律為應鍾於時為立  
冬此顓帝之曆所以首十月也

小春增歲時事要十月天時和暖似春花木重  
花故曰小春歐陽修詞十月小春梅蕊綻

液雨增歲時事要十月內雨謂之液雨  
百蟲飲此而藏蟄俗呼為藥水

熱如六七月增岳陽風土記岳州地極熱十月猶單  
衣或搖扇蛙鳴似夏鳥鳴似春濃雲疎

星震雷暴雨如  
中州六七月間

### 節序

立冬增淮南子霜降加十五日斗指躔通之維則立  
冬音比南呂孝經緯霜降後斗指西北維為立

冬三禮義宗十月立冬為節者冬終  
也立冬之時萬物終成因為節名

**小雪**增淮南子立冬加十五日斗指亥則小雪音比無射三禮義宗十月小雪為中者氣敘轉寒雨

變成雪故以小雪為中

**迎冬北郊**增後漢書祭祀志立冬之日迎冬於北郊祭黑帝元冥車旗服飾皆黑歌元冥八佾

舞育命之舞

**迎冬樂**增皇覽自秋分數四十六日則天子迎冬於北堂距邦六里堂高六尺堂階六等黑稅六

乘旗旄尚黑田車載甲鐵蓋號曰助天誅唱之以羽舞之以干戈此迎冬之樂也

**乾王**增京房易占立冬乾王不周風用事人君當典邊兵治城郭行刑斷獄訟繕宮殿周易集解戰

乎乾崔憬曰立冬則乾王而陰陽相薄

**析木之次**增月令章句自尾四度至斗六度謂之析木之次立冬小雪居之燕之分野

**樂用祝敵**增樂緯乾主立冬樂用祝敵

**讀時令**增南史齊武帝紀永明六年冬十月庚申立冬初臨太極殿讀時令

**亥日祀**增唐書禮樂志立冬後亥日祀司中司命司人司祿

**寒冰**增周易集解乾為寒為冰崔憬曰乾主立冬已後冬至已前故為寒為冰也

**賜披襖**原中華古今註漢文帝以立冬日賜宮侍承恩者及百官披襖子多以五色繡羅為之或



以錦爲之始有其名

**溫帽**原中華古今註大帽子本巖叟野服也至魏文帝詔百官常以立冬日貴賤通戴謂之溫帽

**千重襪**增清異錄唐制立冬日進千重襪其法以羅帛十餘層錦夾絡之

**三素雲**增雲笈七籤立冬清旦西南望有綠紫青雲者是上清真人帝君皇祖三素雲也

**定僊籙**增雲笈七籤立冬之日日中時陽臺真人會諸僊官玉女定新得道始入僊籙之人

**風信**增田家雜占立冬前後起西北風謂之立冬信

**雷陽臘祭**增通考雷陽人以立冬後已酉日爲臘先祭其先後宴親故

**夏侯湛苦寒謠**增惟立冬之初夜天慘慄以降寒霜皚皚以被庭冰澹頽於井榦草撼撼

以疎葉木蕭蕭以零殘松墮葉於翠條竹摧柯於綠竿

**徐鉉和蕭郎中小雪日詩**增征西府裏日西斜獨試新爐自煮茶籬菊盡來低

覆水塞鴻飛去遠連霞寂寥小雪閑中過斑駁輕霜鬢上加筭得流年無奈處莫將詩句祝蒼華

**張登小雪日戲題絕句**增甲子徒推小雪天刺梧猶綠槿花然融和長養無時歇

却是炎洲雨露偏

### 日次

初一日

始朝賀

**增**史記始皇紀始皇推終始五德之傳以為周得火德秦代周德從所不勝方今水德之

始改年始朝賀皆自十月朔衣服旄旌節旗皆上黑更各河曰德水以為水德之始

行養老禮

**增**後漢書明帝紀永平二年十月壬子幸辟雍初行養老禮詔曰間暮春吉辰初行

大射令月元日復踐辟雍尊事三老兄事五更註東觀記曰十月元日

登金路

**原**後漢書馬融廣成頌乘輿乃以吉月之陽朔登於疏鏤之金路註陽朔十月朔也疏鏤

謂雕鏤也

饗會如元正

**增**晉書禮儀志漢以高帝十月定秦且為歲首至武帝雖改用夏正然每月朔

朝至於十月朔猶常饗會如元正儀高適同羣公十月朔宴李太守宅詩良牧徵高賞寒惟問考槃歲時

當正月甲子八初寒

黍臠

**原**荆楚歲時記十月朔日黍臠俗謂之秦歲首注今北人此日設麻羹豆飯當為其始熟嘗新

耳禰衡別傳云十月朔黃祖在艨艟上會設黍臠是也

賜几杖

**增**通鑑魏文帝黃初二年十月己亥公卿朝朔旦并引楊彪待以客禮賜延年楛杖馮几

制舉試詩賦

**增**唐六典天寶十三載十月一日御勤政樓四科舉人問策外更試詩賦各一

十月令

十月令

十月令

日次

七



道制舉試詩

賦自此始

**收租**

增宋史食貨志江南兩浙荆湖廣南福建土多秬稻須霜降成實自十月一日始收租

**給錢收養**

增宋史食貨志熙寧二年京師雪寒詔老幼貧疾無依丐者聽於四福田院額外給

錢收養至春稍暖則止九年韓絳言河東地寒乞自十月一日起支至次年二月終止從之

**賜時服**

增燕翼貽謀錄前代賜時服惟將相翰林學士至諸軍大校而止建隆三年太祖皇帝謂

宰相曰時服不賜百官甚無謂也宜並賜之乃以冬十月朔賜文武常參官時服自後遂為定制

**作重九**

增蘇軾十月初吉菊始開乃與客作重九詩今日我重九誰謂秋冬交黃花與我期草中

實後彫注海南氣候不常有月即中秋有菊即重陽

**朝饗陵墓**

增東京夢華錄十月一日士庶皆出城饗墳禁中車馬朝陵亦如寒食節家禮集要

韓魏公以十月一日墓祭

**賜紅錦袍**

增玉海康定元年十月朔翰林學士賜對衣紅錦袍

**牛接角**

原神隱田家以糯糍糕安牛角上謂之牛接角仍以桑葉包糕餵牛以報一年之力其日

撒放不收又送糕於親隣名曰慶牛

**歲臘**

增道經道家以十月一日為民歲臘三萬六千神煞其日可謝罪祈求延年益壽

月令輯要

卷一

十月令

日次

八

杜甫十月一日詩原有瘴非全歇為冬亦不難夜郎

焦糖幸一粹茲辰南國重舊俗自相歡

王建溫泉宮行增十月一日天子來青繩御路無塵

埃宮前內裏湯各別每箇白玉芙蓉開朝元閣向山上起城繞青山龍暖水夜開金殿看星河宮女知更月明裏

初二日

幸太清觀增玉海建隆三年十月

塗渤表貢增玉海慶曆八年十月二日南蕃塗渤國遣使奉表貢佛金骨真珠犀牛角象齒

後苑觀稻增玉海元豐二年十月二日後苑觀稻

蘇軾十月二日初到惠州詩增彷彿曾遊豈夢中欣然雞犬識新豐吏民驚

怪坐何事父老相攜迎此翁蘇武豈知還漠北管寧自欲老遼東嶺南萬戶皆春色會有幽人客寓公

初三日

銅儀成增唐會要開元十三年十月三日癸丑新造銅儀成置於武成殿前以示百官

奉天書增山堂考索宋真宗大中祥符五年十月三日奉天書於朝元殿恭謝上皇大帝聖祖配

位在東太祖太宗在西



觀山居圖

增玉海咸平六年十月三日己未對輔臣龍圖閣觀種放山居圖注放別業在終南

林泉幽勝帝命畫工圖之

龍聚日

原道經十月三日四海三元龍王奏水府日龍聚日

初四日

順時耀武

增玉海唐武德元年十月四日詔殺氣方嚴宜順天時耀威武可大集諸軍朕將臨

校閱

進御筆

增玉海元祐六年十月四日三省進神宗御筆七十五策

初五日

奉藏禮神玉

增宋仁宗實錄皇祐二年十月五日詔禮神玉令少府擇寬潔之室奉藏

祀土德

增玉海太平興國八年十月五日祀土德於黃帝壇圭幣牢具如大祠

初祖西歸

增傳燈錄師以化緣已畢傳法得人端坐而逝即後魏孝明帝太和十九年丙辰歲

十月五日也葬熊耳山起塔於定林寺後三歲魏宋雲奉使西域遇師於蔥嶺見手攜隻履翩翩獨逝雲問師何往

日西天去

建生大會齋

增雲笈七籤十月五日名建生大會齋三官考覈功過依日齋戒可祈景福

十月五日名建生大會齋三官考覈功過依日齋戒可祈景福

初六日

注生籍

增道經十月六日天曹諸司五嶽五帝注生籍日

初七日

乾明節

原宋史禮志太宗以十月七日為乾明節復改為壽寧節增玉海雍熙四年十月丙申乾

明節羣

臣上壽

初八日

木連理

增唐會要貞觀十八年十月八日山南獻木連理交錯玲瓏有同羅目一丈之餘并枝者

二十餘所司徒長孫無忌曰自頃嘉祥雜遝陛下推而不居遂令史臣閣筆無以示後因相率拜賀帝曰瑞應之來朕當苦心勞力以答天地何煩致賀

白雪歌

增玉海顯慶三年十月八日呂才以御製雪詩為白雪歌

賞稻

增玉海景祐二年十月八日召近苑觀稼殿賞稻賜酒三行

神僧預座

增法苑珠林宋路昭太后大明四年造普賢菩薩乘寶輦白象安於中興禪房因設

講於寺其年十月八日齋畢解座會僧二百人於時寺宇始構帝輦蹕臨幸旬必數四僧徒勤整禁衛嚴肅忽有一僧預於座次風貌秀舉闔堂驚矚忽不復見列筵同覩識其神人矣



初九日

進列象拱極圖

增玉海至和元年十月九日庚子處州祥符宮言道士洞淵大師李思聰

撰集到璇霄列象拱極圖凡三面進納詔思聰特與進妙元先生名號

靈芝生

增玉海紹興二十五年十月九日周麟之言太廟生靈芝九莖連葉宜製華旗繪靈芝之

形以章偉績奏可

韓維湖上十月九日詩

增斷橋孤嶼寒光外短檝輕舟斜照中未必江湖能勝此

野棠梨葉赤如楓

初十日

慶成節

增舊唐書文宗紀太和七年十月壬辰上降誕日僧徒道士講論於麟德殿翼日宰相路

隨等奏誕日齋會誠資景福臣伏見開元十七年張說源乾曜請以誕日為千秋節內外宴樂以慶昌期頗為得禮上深然之宰臣因請十月十日為慶成節上誕日也從之開成二年又勅慶成節宜令京兆尹准上巳重陽例於曲江會文武大僚

天寧節

增宋史禮志徽宗以十月十日為天寧節春渚紀聞謝石成都人宣和間至京師以相字

言人禍福無不奇中者名聞九重上皇因書一朝字令中貴人持往試之石見字以手加額曰朝字離之

為十月十日字非此月此日所生之天人當誰書也  
一座盡驚中貴馳奏翼日召至後苑錫賚甚厚并與  
補承  
信郎

### 採決明子

**增**遵生八牋決明子主青盲又療唇  
口青色十月十日採陰乾百日可服

### 十一日

### 觀刈稻

**增**玉海天禧二年十月十一日召近臣於  
玉宸殿觀刈小香占城稻賜宴安福殿

### 書賜否泰卦

**增**玉海紹興五年十月十一日庚戌右  
相張浚入見上親書周易否泰卦賜之

### 太平盛事

**增**玉海紹興二十五年十月十一日禮部  
侍郎王珉等言贛州太平瑞木黎州甘露

道州連理木遂寧嘉禾鎮江瑞瓜南安雙蓮嚴信州  
芝草皆太平盛事請命有司圖狀製為華旗從之

### 十二日

### 遊佛迹院

**增**志林紹聖元年十月十二日與幼子過  
遊白水巖佛迹院浴於湯池熱甚其源殆

可熟物循山而東少北有懸水百仞山八九折折處  
輒為潭深者礎石五丈不得其所止雪濺雷怒可喜  
可畏水涯有巨人迹數十所謂佛迹也暮歸倒行觀  
山燒火甚俛仰度數谷至江山月出擊汰中流掬弄  
珠璧到家二鼓復與過飲酒食餘甘煑  
菜顧影頽然不復甚寐書以付過

### 黃雲捧月

**增**玉海嘉祐四年十月十七日司天言十  
二日廟中行禮月色皎然有黃雲捧月



奏捷稱賀

增玉海熙寧六年十月十二日熙河奏捷紫宸殿稱賀上解所服白玉帶賜宰臣

上壽

增東京夢華錄十月十二日宰執親王宗室百官入內上壽大起居

任伯雨述懷詩

增元符庚辰歲孟冬十二日任子丞

勞日昃諫路員有闕求人恐不及誰謂方遘選邂逅首疎逃詔旨忽中授聞命但夕惕

十三日

諡六祖

增柳宗元曹溪六祖大鑿禪師碑扶風公廉

於上詔諡大鑿禪師塔曰靈照之塔元和十年十月十三日下尚書祠部符到都府公命部吏告於其祠

幢蓋鐘鼓增山盈谷

萬人咸會若聞鬼神

唐代宗生

增柳氏舊聞肅宗吳皇后侍寢不寤吟呼

視之良久乃寤問之后以手按其左脇曰妾夢神人長丈餘介金甲操劍顧謂妾曰帝命吾與汝為子自左脇以劍決而入痛不可忍今未已也肅宗驗之於燭下則若有縫而赤者存焉遂以十月十三日生代

宗揮塵前錄

唐代宗十月十三日天興節見令狐綯

集玉海

代宗誕日于邵降誕頌日甲觀畫堂繞樞神

光十月良月降生我皇舜膳以甘堯樽以酣誕彌之期旬而有三又唐代宗誕辰有慶雲見常袞賀表日十月良月遠膺盈數之期後天奉天近和下元之曆從風蕭索抱日縈迴色涵流渚之虹影雜繞樞之電



河復

增蘇軾河復詩敘熙寧十年秋河決澶淵注鉅野入淮泗自澶魏以北皆絕流而濟楚大被其害彭門城下水二丈八尺七十餘日不退吏民疲于守禦十月十三日澶州大風終日既止而河流一支已復故道聞之喜甚庶幾可塞乎乃作河復詩

慶成飲福

增玉海皇祐二年十月以大饗慶成十三日賜飲福宴於集英殿上舉觴屬羣臣畢醕日與卿等均受其福酒九行罷

### 御製昭君墓詩并序

匈奴梗化邊陲自周秦漢唐無代不有頃朕於春夏

親統六師破厄魯特噶爾丹於克魯倫河西北復於

秋九月西巡由張家口出塞撫察我邊鄙厄魯特敗

殘之衆降者踵至其頭目來歸者咸與近職開誠示

信絕無猜疑冬十月十三日至歸化城爲我兵屯戍

之所城南十餘里土阜突然傳爲昭君墓卽志所云

青冢也昔有不得志於功名或身遭遷謫往往託昭

君怨而爲詩以寫其抑鬱則在當日之怨極而悲又



不知何如此冢之畱茲土適足爲漢譏焉我國家與  
圖遠大遐邇諸部落世世臣屬奔走不暇凡有驅策  
如臂之使指甘爲僕婢而不辭恒自緬懷前烈敢不  
慎脩思永夫昭君墓何足詠也因之有感於治理遂

成八韻

南北分天地存亾見廟謨含悲辭漢主揮淚赴匈奴  
目覩當年冢心懷四海圖葆旌巡遠徼蕃落効馳驅

欲笑和親失還嫌餌術迂

漢賈誼策言用五術以餌匈奴

開誠示異

族布化越荒途漠漠龍沙際寥寥雁塞隅偶吟因有  
觸意獨與人殊

十四日

刊正羣書

增唐會要乾封元年十月十四日上以四部羣書傳寫訛謬乃詔東臺侍郎趙仁本

兼蘭臺侍郎李懷巖兼東臺舍人張文瓘等集儒學之士刊正然後繕寫

十五日

下元節

增搜采異聞錄太平興國五年十月下元京城始張燈如上元之日玉海雍熙三年十月

庚戌下元節宴輔臣於樞密使王顯第夜分就賜御製雜言一篇

上天源錄

增玉海祥符八年十月十五壬辰日知制誥盛度上聖祖皇帝天源錄五卷

望祭木葉山

增遼史禮志歲十月五日天子與羣臣甲槍刀器械萬副十五日

望祭木葉山用國字書狀并焚之國語謂之戴辣戴燒也辣甲也

校定罪福

原正一修真旨要下元九江水帝十二河

罪福

蘇軾後赤壁賦

原是歲十月之望步自雪堂將歸於臨臯二客從予過黃泥之坂霜露既

降木葉盡脫人影在地仰見明月顧而樂之行歌相答

蘇軾十月十五日觀月黃樓詩

增中秋天氣未應殊不用紅紗照坐隅山

下白雲橫匹素水中明月臥浮圖未成短棹還三峽已約輕舟泛五湖為問登臨好風景明年還憶使君無

十六日

盤古氏生日

增路史荆湖南北以十月十六日為盤古氏生日

月令輯要卷二十八十月令日次



麟見

**增**玉海唐高宗龍朔三年十月十六日絳州介山麟見

茅灘大閱

**增**玉海乾道四年戊子十月十六日甲辰幸茅灘大閱前一日於教場東列幕宿營

皇帝登臺舉黃旗諸軍呼拜者三舉白旗變方陣為避敵之形舉黃旗變圓陣為自環內固之形舉赤旗變銳陣諸軍魚貫斜列為衝敵之形舉青旗變直陣上親御甲冑指授方畧歡呼犒賞有加焉上謂王達曰軍律整肅卿之力也

寒婆生日

**增**農政全書十月十六日為寒婆生日晴主冬暖

天倉開

**增**遵生八牋十六日天倉開宜入山修道

十七日

觀五經圖

**增**玉海咸平五年十月十七日幸龍圖閣觀五經圖賜宴

建辟雍

**增**玉海崇寧元年十月十七日戊辰初建辟雍外圓內方為屋一千八百七十二楹宰臣

言奉詔天下立學官貢士仍建外學於王國之南待其歲攷行藝升之太學增上舍二百人內舍六百人處上舍內舍於太學處外舍於外學

十八日

遊棲霞寺

**增**江總入攝山棲霞寺詩序壬寅年十月十八日入攝山棲霞寺登崖極峭頗暢懷

抱

改造斛斗尺稱

**增**唐會要大曆十一年十月十八日太府少卿韋光輔奏請改造銅斗斛

尺稱等行用

閱試武藝

**增**玉海熙寧六年十月十八日親閱軍校兵士試武藝賜銀有差上厲精武事訓肄

有法每旬一御後殿程能否而勸沮之不數月兵氣一新

十九日

天祐節

**增**宋史禮志寧宗以十月十九日為天祐節

修洛陽宮室

**增**玉海開寶八年十月十九日將議巡幸遣王仁珪李仁祚焦繼勳同修洛陽

宮室

嘉禾曲

**增**玉海乾德四年京兆果州進嘉禾十月十九日和峴請作嘉禾等曲

會經日

**增**藏經十月十九日五百羅漢會經日

二十日

月如望夕

**增**近異錄宋慶元二年十月二十夜三更後月初出時臨安嘉興兩郡人未寢者皆見其團圓如望夕太史奏是為上瑞其地當十年大稔

月令輯要

卷十八

十月令

日次

七



配食武成王增玉海政和三年十月二十日禮部請以南仲召虎方叔吉甫尉繚配食武成

廟王

二十一日

名慈寧宮增楓窻小牘紹興九年十月二十一日詔皇太后宮殿名慈寧

觀指南車增玉海皇祐五年十月二十一日御延和殿召輔臣觀指南車

二十二日

八關齋增支遁八關齋詩序問與何驃騎期當為合八關齋以十月二十二日集同意者在吳縣

土山下三日清晨為齋始道士白衣

凡二十四人清和肅穆莫不靜暢

會慶節增宋史禮志孝宗以十月二十二日為會慶節增玉海孝宗時陳良祐因會慶節撫唐太宗

事百二十條議其當否目日會慶萬年金鑑錄上之

宴京畿父老增玉海皇祐二年十月以大饗慶成二十一日乙亥宴京畿父老百五十人於

錫慶院

二十三日

授慧印三昧經增弘明集梁有廣州南海郡人何規以天監十四年十月二十三日採藥

於豫章胡翼山遇一僧手提書一卷授規規開視卷內題名為慧印三昧經

**觀御書碑**增玉海熙寧元年十月二十三日召輔臣觀御書英德殿碑於迎陽門

二十四日

**封祀玉牒**增宋封祀玉牒文維大中祥符元年歲次戊申十月戊子朔二十四日辛亥有宋嗣

天子臣敢昭告於昊天上帝啟運大同惟宋受命太祖開階功成治定太宗膺圖重熙累盛粵以冲人不承列聖寅恭奉天憂勞聽政一紀於茲四隩來暨元貺殊尤禎符章示儲慶發祥清淨可致時和年豐羣生成遂爰荷顧懷敢忘繼志僉議大封聿伸昭事躬陟喬嶽對越上元率禮祇肅備物吉蠲以仁守位以

孝奉先祈福逮下侑神昭德惠綏黎元懋建皇極天祿無疆靈休允迪萬乘其昌永保純錫

二十五日

**送金像**增江總入攝山棲霞寺詩序甲辰年十月二十五日奉送金像還山限以時務不得恣情

淹畱

**天符節**增宋史禮志政和三年以十月二十五日為天符節

二十六日

**冬至麥秀**增西域志天竺國以十月二十六日為冬至冬至則麥秀



施菩薩戒增江總入攝山棲霞寺詩序至德元年癸卯十月二十六日又再遊此寺慧布法師

施菩薩戒

禱雨張龍公增東坡詩話元祐六年十月二十六日禱雨張龍公會景貺履常二歐陽子作

詩云夢回聞剝啄誰乎趙陳予景貺拊掌曰句法甚新前人未有此法季默曰有之長官請客吏請客目

曰主簿少府我卽此語也

東封禮成增玉海皇朝祥符元年十月二十六日東封禮成御朝觀壇肆赦少府監所設金雞

送山下其竿盤木馬夾耳等物下經度制置使製造

二十七日

廣獻書路增玉海咸平四年十月二十七日甲子日詔日國家設廣內石渠之宇訪羽陵汲冢之

書廣獻書之路每卷給千錢三百卷以上量才錄用

進易解增玉海紹興十五年十月二十七日劉翔進易解

二十八日

周師東行原國語昔武王伐殷歲在鶉火月在天駟日在析木之津注歲歲星也鶉火次名謂

武王始發師東行時殷之十一月二十八日戊子於夏爲十月是時歲星在張十三度張鶉火也天駟房

星也謂戊子日月宿房五度津天漢也析木次名謂戊子日日宿箕七度

**應靈郡**增雲笈七籤至德二年十月二十八日詔曰江油舊壤境帶靈山自狩巴梁屢昭感應眷

茲郡邑合有增崇可昇龍州為都督府賜號應靈郡

二十九日

**祠華嶽**增唐會要武德二年十月二十九日甲子親祠華嶽

**翠芳亭觀稻**增宋史禮志成平四年十月二十九日詔宗室近臣諸帥赴玉宸殿翠芳亭觀

稻賜宴仍以稻分賜之

三十日

**顏生下娠**增北史顏惡頭傳惡頭妙於易筮遊州市觀卜有婦人負囊粟來卜歷七人皆不中

而強索其粟惡頭尤之卜者曰君若能中何不為卜惡頭因筮之曰登高臨下水洞洞惟聞人聲不見形婦人曰娠身已七月矣向井上汲水忽聞胎聲故卜惡頭曰吉十月三十日有一男子詣卜者乃驚服曰是顏生耶相與具羊酒謝焉

**佛照光偈**增貴耳錄陳習菴名墳省元父母求子於佛照光禪師就上寫一偈末後二句云諸

佛菩提齊著力只今生箇大男兒此十月三十日書至十二月三十日習菴生父母乞名於佛照光曰覺



老余親見二狀習菴無髭有則去之凡有除目即先夢見住院前身即一尊宿也

### 政典

**入澤梁**增禮獺祭魚然後虞人入澤梁疏案月令正月獺祭魚獺一歲再祭此獺祭魚謂十月時

**入山林**增禮草木零落然後入山林疏謂十月時案月令季秋草木黃落其零落芟折則在十月

也

**元堂左个**原禮孟冬之月天子居元堂左个注元堂左个北堂西偏也

**命太史**原禮是月也命太史釁龜筮占兆審卦吉凶注周禮龜人上春釁龜謂建寅之月也秦以

其歲首使太史釁龜筮與周異矣

**始裘**原禮是月也天子始裘集說周禮季秋獻功裘至此月乃衣之也增唐書李程傳德宗季秋出

畋有寒色顧左右曰九日猶衫二月而袍不為順時朕欲改月謂何左右稱善程獨曰明皇著月令十月始裘不可改

**謹蓋藏**原禮命百官謹蓋藏注謂府庫困倉有財物

**斂積聚**原禮命司徒循行積聚無有不斂注謂芻禾薪蒸之屬

**命工師**原禮是月也命工師効功陳祭器按度程注霜降而百工休至此物皆成也效功錄見百

工所作器物也主於祭器祭器尊也度謂制大小也程謂器所容也

**大飲烝**原禮是月也大飲烝注十月農功畢天子與其諸侯羣臣飲酒於大學以正齒位謂之大

飲別之於他其禮亡今天子以燕禮郡國以鄉飲酒禮代之

**祈來年**原禮天子乃祈來年於天宗注此周禮所謂蜡祭也天宗謂日月星辰也增山堂考索月

令孟冬祈於天宗盧植注云天宗六宗之神李邵謂六宗上不及天下不及地旁不及四方在六合之中

**講武**原禮天子乃命將帥講武習射御角力注為仲冬將大閱簡習之亦因營室主武士也增唐書

王綝傳武后欲季冬講武有司不時辦遂用明年孟春綝曰按月令孟冬天子命將帥講武習射御角力

此乃三時務農一時講武安不忘危之道今孟春講武以陰政犯陽氣害發生之德願陛下不違時令前及孟冬以順天道

**收賦**原禮是月也乃命水虞漁師收水泉池澤之賦註因盛德在水收其稅

**大蜡**增禮天子大蜡八伊耆氏始為蜡蜡也者索也歲十二月合聚萬物而索饗之也註歲十二月

周之正數謂建亥之月也

**正齒位**原周禮地官黨正國索鬼神而祭祀則以禮屬民而飲酒於序以正齒位註國索鬼神而

祭祀謂歲十二月大蜡之時建亥之月也正齒位者鄉飲酒義所謂六十者坐五十者立侍六十者三豆



七十者四豆八十者五豆九十者六豆是也必正之者為民三時務農將闕於禮至此農隙而教之尊長養老見孝悌之道也

**獻民數**

**原**周禮秋官小司寇孟冬祀司民獻民數於

謂軒轅角也小司寇於祀司民而獻民數於王重民也進退猶損益也國用民衆則益民寡則損**增**通典古之為理在周知人數乃均其事役周官有比閭族黨鄉遂之制維持其政綱紀其人孟冬獻民數於王王拜受之其敬之守之如此其重也

**行飲酒禮**

**增**儀禮鄉飲酒之禮註今郡國十月行此飲酒之禮疏周謂之十二月即夏之十月

**行燕禮**

**增**儀禮燕禮注燕於路寢相親昵也今辟雍十月行此燕禮

**城諸及防**

**增**春秋莊公二十有九年冬十有二月城諸及防疏諸君邑防臣邑言及別君臣之

義

**均利器用**

**增**國語六間應鍾均利器用俾應復也注

物鍾聚百嘉具備時務均利百官器用程度庶品使皆應其禮復其常也

**火朝覲**

**增**國語單襄公假道於陳以聘於楚火朝覲矣道第不可行也注火心星也覲見也朝見

謂夏正十月晨見於辰

成梁原國語十月成梁增孟子十二月與梁

繫牛牧馬增王居明堂禮孟冬之月

麟遊靈時增司馬相如封禪文濯濯之麟遊彼靈時

官司馬原淮南子官司馬注

秦歲首原史記高祖紀至霸上注以高祖十月至霸

二十餘年天下初定公卿皆軍吏蒼為計相時緒正  
律歷以高祖十月始至霸上故因秦時本十月為歲  
首不革推五德之運以為漢當水德之時上  
黑如故吹律調樂入之音聲及以比定律令

朝獻增漢書高帝紀十一年詔曰欲省賦甚今獻未

令諸侯王通侯常以十月朝獻及郡各  
以其口數率人歲六十三錢以給獻費

孝文廟樂增漢書景帝紀元年冬十月詔曰蓋聞古

所以發德也舞者所以明功也高廟酎奏武德文始  
五行之舞孝惠廟酎奏文始五行之舞孝文皇帝臨  
天下德厚侔天地利澤施四海靡不獲福明象乎日  
月而廟樂不稱朕甚懼焉其為孝文皇帝廟為昭德  
之舞以明休德然後祖宗之功德施於萬世永永無  
窮朕甚嘉之其與丞相列侯中二千石禮官具禮儀  
奏



除賦加帛

**增**

漢書武帝紀元封元年詔曰朕登封泰

山至於梁父然後升禮肅然自新嘉與士大夫更始其以十月為元封元年行所巡至博奉高蛇丘歷城梁父民田租逋賦貸已除加年七十以上孤寡帛人二匹四縣無出今年算賜天下民爵一級女子百戶牛酒

朝儀

**原**

漢書叔孫通傳漢七年長樂宮成諸侯羣臣

朝十月儀先平明謁者治禮引以次入殿門廷中陳車騎戍卒衛官設兵張旗志傳曰趨殿下郎中俠陛陛數百人功臣列侯諸將軍軍吏以次陳西方東鄉文官丞相以下陳東方西鄉大行設九賓臚句傳於是皇帝輦出房百官執戟傳警引諸侯王以下至吏六百石以次奉賀自諸侯王以下莫不震恐肅敬至禮畢盡伏置法酒諸侍坐殿上皆伏抑首以尊

卑次起上壽觴九行謁者言罷酒御史執法舉不如儀者輒引去竟朝置酒無敢謹譁失禮者於是高帝曰吾乃今日知為皇帝之貴也注漢時尚以十月為正月故行朝歲之禮史家追書十月

優復元氏

**增**

後漢書明帝紀永平五年冬十月行幸

鄴常山三老言於帝曰上生於元氏願蒙優復詔曰豐沛濟陽受命所由加恩報德適其宜也今永平之政百姓怨結而吏人求復令人愧笑重逆此縣之拳拳其復元氏縣田租更賦六歲勞賜縣掾吏及門闌走卒

行迎氣樂

**增**

後漢書章帝紀建初五年始行月令迎

氣樂注東觀記曰馬防上言聖人作樂所以宣氣致和順陰陽也臣愚以為可因歲首發太蔟之律奏雅頌之音以迎和氣時以作樂器費多遂獨

行十月迎氣樂也

**改斷獄期**

增後漢書陳寵傳帝敬納寵言每事務於寬厚是後人俗和平屢有嘉瑞漢舊事斷獄報重常盡三冬之月是時帝始改用冬初十月而已

**祿祭**

增後漢書張純傳祿祭以冬十月冬者五穀成熟物備禮成故合聚飲食也

**用稗柿**

增范汪祠制孟冬祭用稗柿

**班俸制**

增魏書高祖紀太和八年詔曰俸制已立宜時班行其以十月為首每季一請於是內外百官受祿有差

**導人德義**

增北史魏孝文帝紀太和十一年冬十月甲戌詔曰孟冬十月人閑歲隙宜於此時導以德義可下諸州黨里之內推賢而長者教其里人父慈子孝兄友弟順夫和妻柔不率長教者具以

聞名

**祭司寒**

增唐書禮樂志孟冬祭司寒

**選人會省**

增唐書選舉志每歲五月頒格於州縣選人應格則本屬或故任取選解列其罷免善惡之狀以十月會於省過其時者不敘其以時至者乃考其功過同流者五五為聯京官五人保之一人識之刑家之子工賈異類及假名承偽隱冒升降者有罰文書粟錯隱倖者駁放之非隱倖則不

月令

卷十八

十月令

政典

完



三旬會集

增唐六典軍衛武官選授之制每歲孟冬以三旬會其人去王城五百里集於上旬

千里之內集於中旬千里之外集於下旬

徧祀山川

增通典後魏景穆帝立五嶽四瀆廟於桑乾水之陰春秋遣有司祭其山川諸神三百二十四所每歲十月

遣祠官詣州鎮徧祀

熟羌互市

增白帖金部格云敕松當悉維翼等州熟羌每年十月已後即來彭州互市易法時

差上佐一人於蠶崖關外依市法至市場交易勿令百姓與往還

賜從官

增宋史真宗紀大中祥符元年十月甲寅次太平驛賜從官辟寒丸花茸袍

給公券

增燕翼詒謀錄開寶二年十月丁亥詔西川山南荆湖等道所薦舉人並給來往公券令

樞密院定例施行蓋自初起程以至還鄉費皆給於公家

合祭羣神

增山堂考索後周以十月祭神農伊耆以下至毛介等神於五郊五方天地星宿四

靈五帝五官嶽鎮下至原隰各分其方合祭之

立聽訟觀

增通鑑綱目太和三年十月立聽訟觀置律博士

賜刑統

增玉海端拱二年十月詔賜宰臣執政刑統各一部詔中外臣僚常讀律書

乾元曆成

增玉海太平興國七年十月已卯司天冬官正吳昭素及留內直苗守信造成新曆

凡律經二卷記晨昏分一卷日躔陰陽經一卷日出入刻一卷晝夜刻分一卷五更中星一卷共七卷以獻上命衛尉少卿元象宗集本監明律

曆者同校定賜號乾元曆上自製序

**選人入館校書**

增玉海祥符八年十月丙午命吏部取選人先試判擇可者送學士院試

詩賦論命入館校

勘書籍三年改官

**禱天雪霽**

增遼史太祖紀神冊四年冬十月丙午次鳥古部天大風雪兵不能進上禱於天俄

頃而

霽

**劉禹錫洛中初冬拜表有懷上京故人詩**

增鳳樓南面控三條

拜表郎官早渡橋清洛曉光鋪碧簾上陽霜葉剪紅綃省門簪組初成列雲路鴛鸞想退朝寄謝慙勤九天侶捨榆水擊各逍遙

**民用**

**備寒**

原詩穹室熏鼠塞向墜戶傳穹窮室塞也向北出牖也墜塗也庶人葦戶箋為此四者以備寒

**獲稻爲酒**

原詩十月獲稻爲此春酒以介眉壽傳春酒凍醪也疏獲稻爲酒唯助養老

**納禾稼**

原詩十月納禾稼黍稷重穆禾疏十月之終納內也治於場而內之困倉也疏十月之終納

禾稼之所收穫者黍稷重穆禾麻菽麥之等納之於困倉之中



**滌場饗酒** 原詩十月滌場朋酒斯饗日殺羔羊躋彼公堂稱彼兕觥萬壽無疆箋十月民事男女俱畢無飢寒之憂國君閒於政事而饗羣臣增

韓維送寧極還山詩場功十月畢田家足幽事

**日月會龍豸** 原國語日月會於龍豸土氣含收天明

嘗家於是乎嘗祀百姓夫婦擇其令辰奉其犧牲敬其盥盛潔其糞除慎其采服禋其酒醴帥其子姓從其時享虔其宗祝道其順辭以昭祀其先祖注豸龍尾也謂周十二月夏十月也日月合辰於尾音義豸

鬪侯反

**草端大月** 原呂氏春秋草端大月陳士元農書音釋端專眩二音相責也草端義未詳或作端

始萌也大月高注孟冬月也秦以亥月為歲首故稱大月猶正月一月也又易卦陽大陰小爾雅十月為陽大月即陽月之義

**孟冬之位** 原詩含神霧唐地處孟冬之位得常山大岳之風音中羽其地磽确而收其民儉而

好蓄此唐堯之所處

**作脯** 增四民月令十月作脯以供臘祀風俗通俗說脯大脯也案太山博縣每歲十月祠太山脯濶

一尺長五寸

**亥日食餅** 增雜五行書十月亥日食餅令人無病

入學

**增**齊民要術十月農事畢令成童入大學如正月焉陸游詩三冬暫就儒生學千耦還從父老

耕識字粗堪供賦役不須辛苦慕公卿

布菜種

**增**齊民要術十月中於牆南日陽中掐作坑深四五尺取雜菜種別布之一行菜一行土

去坎一尺便止

釀冬酒

**原**齊民要術十月上辛命典饋漬麴釀冬酒

栽石榴

**增**齊民要術栽石榴法十月中以藁裹而纏之不裹則凍死

蜜薑

**增**齊民要術用生薑淨洗削治十月酒糟中藏之泥頭十日熟出水洗內蜜中

收蜀芥薑薑

**增**齊民要術十月收蕪菁訖時收蜀芥薑薑足霜乃收不足霜即澀

區種茄子

**增**齊民要術種茄子法十月種者如區種瓜法推雪著區中則不須栽

區種瓜

**增**齊民要術冬瓜越瓜瓠子十月區種如區種瓜法冬則推雪著區上為堆潤澤肥好乃

勝春種

蕪荷

**增**齊民要術蕪荷宜在樹陰下種之十月終以穀麥種覆之

散葵子

**增**齊民要術種葵十月末地將凍散子勞之人足踐踏之乃佳

收胡荽

**增**齊民要術胡荽十月足霜乃收之取子者仍留根間拔令稀以草覆



**上時春酒**增齊民要術造酒法用黍米麴一斗殺米

四畔孔內悉皆淨削然後細剉令如棗栗曝使極乾

一斗麴用水一斗五升十月桑落初凍則收水釀者為上時春酒

**槐子**增名醫別錄槐子以十月己日采相連多者新

盆盛合泥百日皮爛為水核如大豆服之令人

腦滿髮不白而長生圖經本草十月上己日取槐子

去皮納新瓶中封口二七月初服一枚再服二枚日

加一枚至十日又從一枚起終而復始令人可夜讀書

**遂陽熟**增名醫別錄遂陽木味甘無毒主益氣生

山中如白楊葉三月實十月熟赤可食

**雲實**增名醫別錄雲實一名雲英主治

消渴生河間川谷十月采暴乾

**神仙葉**增圖經本草桑葉可常服神仙服食方以四

月桑茂盛時採葉又十月霜後三分二分已

落時一分在者名神仙葉即採取與前葉同陰乾搗末丸散任服或煎水代茶飲之

**里社**原事物紀原禮雜記日子貢觀於蜡子曰百日

之蜡一日之澤鄭康成謂歲十二月索鬼神而

祭祀則黨正以禮屬民而飲酒勞農而休息之使之

燕樂是君之澤也今賽社則其事爾今人以歲十月農功畢里社致酒食以報田神因相與飲樂世謂里社始於周人之蜡云增路史每歲陽月盍百種萃萬民蜡戲於國中

**野蠶成繭** 增 玉海唐文宗開成二年十月陳許奏野蠶自生桑上三遍成繭連綿九十里百姓

以為絲綿紬絹 又 嘉祐五年十月深州言野蠶成繭被於原野

**女貞實** 增 簡便方 女貞實久服髮白再黑返老還童用十月上巳日收陰乾用

**牛蒡脯** 增 山家清供 牛蒡脯孟冬采根去皮淨洗煮槌匾壓以鹽醬茴蘿薑椒熟油諸料研細火

焙乾食之如肉脯之味

**粬粬** 增 山家清供 杜甫十月一日有粬粬作人情之句考楚辭粬粬蜜餌粬粬乃蜜麩之乾也十月

餅也 開爐

**無患子** 增 本草綱目 無患子名菩提子十月採實煮熟去核搗和麥麩作澡藥去垢同於肥皂用

洗真珠 甚妙

**夜作** 增 田家雜占 十月天寒日短必須夜作諺云十月無工只有梳頭吃飯工

**鵝毛被** 增 山堂肆考 邕管溪峒風俗以十月取鵝毛軟毛為被以禦寒故柳宗元峒氓詩有鵝毛

禦臘縫山 罽之句

**木奴著裘** 增 岩棲幽事 山中人十月以薪草縛柑橘樹上日為木奴著裘

**溫養神氣** 增 遵生八牋 孟冬之月天地閉藏水凍地坼早臥晚起必候天曉使至溫暢無泄大



汗勿犯冰凍雪積溫養神氣無令邪氣外入生氣在酉坐臥宜向西方

**杜甫孟冬詩**原殊俗還多事方冬變所為破甘霜落爪嘗稻雪翻匙巫峽寒都薄烏蠻瘴遠

隨終然滅灘瀨暫喜息蛟螭

**趙孟頫十月耕詩**增孟冬農事畢穀粟既已藏彌望四野空藁秸亦在場朝廷政方理

庶事和陰陽所以頹歲登不憂旱與蝗置酒宴鄉里尊老列上行肴羞不厭多魚羔復烹羊縱飲窮日夕為樂殊未央禱天祝聖人萬年長壽康

**趙孟頫十月織詩**增豐年禾黍登農心稍逸樂小兒漸長大終歲荷鋤鑿目不識一字

每念心作惡東鄰方迎師收拾令上學後月日南至相賀因舊俗為女裁新衣修短巧量度龜手事塞向庶禦北風虐人生真可歎至老常力作

物候

**隕穽**原詩十月隕穽傳隕墜穽落也疏十月木葉皆隕落也

**蟋蟀**原詩十月蟋蟀入我牀下疏蟲既近人大寒將至

**冰凍**原禮水始冰地始凍

**雉為蜃**原禮雉入大水為蜃註大水深也大蛤曰蜃

黑鳥浴原夏小正黑鳥浴傳黑鳥也浴者飛乍高乍下也

豺祭獸原夏小正豺祭獸傳善其祭而後食之也禮豺祭獸疏按月令九月豺乃祭獸夏小正十

月豺祭獸則是九月末十月之初豺祭獸之後百姓可以田獵

人氣在心原素問十月陰氣始冰地氣始閉人氣在心

香草生增史記司馬相如傳揭車衡蘭橐本射干註郭璞曰揭車一名乞與橐本射干十月生皆

草香

樹檀增淮南子十月其樹檀註檀陰木

東牆熟增後漢書烏桓傳其土地宜稌及東牆東牆似蓬草實如稌子至十月而熟

枳柜增齊民要術廣志曰枳柜葉似蒲柳子似珊瑚其味如蜜十月熟樹乾者美出南方邳郟大如

指

龍蛇蟄增周易集解龍蛇之蟄以存身也虞翻曰龍潛而蛇藏陰息初吳為蛇陽息初震為龍十

月坤成十一月復生姤吳在下龍蛇俱蟄初坤為身故龍蛇之蟄以存身

放鷹增白居易放鷹詩十月鷹出籠草枯雉兔肥下韞隨指顧百擲無一遺鷹翅疾如風鷹爪利如

錐本為鳥所設今為人所資



取蟬增唐彦謙蟬詩湖田十月清霜墮晚稻初香

梅花增盧僎十月梅花詩巴鄉氣候與華別年年十

樊晃南中感懷詩南路蹉跎客未回常嗟物候暗相

催四時不變江頭草十月先開嶺上梅僧善住詩清

霜欲重小春天楊柳蕭疎帶曉煙無

奈東皇苦多事又傳春信到梅邊

葫蘆子增本草衍義葫蘆花白子初

貝母增本草綱目貝母生晉地十月采根暴乾詩

鼠穴榛實增昌平山水記黃花鎮有鼠色如鼯而毛

淺初冬掇榛實貯穴中為岐洞貯之多至

二三斗美好倍於人所

收者土人每掘取之

十月牡丹增楓窓小牘淳化三年冬十月太平興國

寺牡丹紅紫盛開帝京景物畧右安門外

南十里草橋北土近泉宜花居人以種花為

業冬則溫火暄之十月中旬牡丹已進御矣

### 白居易早冬詩

增十月江南天氣好可憐冬景似春

### 占驗

### 愆候

原禮孟冬行春令則凍閉不密地氣上泄民多

流亡注寅之氣乘之也

又行夏令則國多暴風



方冬不寒蟄蟲復出注巳之氣乘之也又行秋令則雪霜不時小兵時起土地侵削注申之氣乘之也

**霜不殺草**增春秋僖公三十有三年十有二月實霜不殺草李梅實公羊傳何以書不時也注

周之十二月夏之十月也

**尾伏火中**原左傳僖公五年八月甲午晉侯圍上陽問於卜偃曰吾其濟乎對曰克之公曰何時對曰童謠云丙之晨龍尾伏辰均服振振取虢之旂鶉之賁賁天策焯焯火中成軍虢公其奔其九月十月之交乎丙子旦日在尾月在策鶉火中必是時也冬十二月丙子朔晉滅虢虢公醜奔京師注龍尾尾星也日月之會曰辰日在尾故尾星伏不見鶉鶉火星天策傳說星交晦朔交會是夜日月合朔於尾

月行疾故至旦而過在策周十二月夏之十月

**螺不當見**增公羊傳螺注螺者與陰殺俱藏周十二月夏之十月不當見故為異

**木火土金聚**增北齊書神武紀普泰元年十月歲星熒惑鎮星太白聚於觜參色甚明太史占云當有王者興是時神武起於信都

**春糶占**增齊民要術師曠占五穀貴賤法常以十月朔日占春糶貴賤風從東來春賤逆此者貴

**霧占**增望氣經十月癸巳霧赤為兵青為殃

**鳥卜**增唐書西域傳東女國巫者以十月詣山中布糟麥咒呼羣鳥俄有鳥來如雞狀剖視之有穀



者歲豐否則有  
災名曰鳥卜

**風雨占**原肘後神樞十月十五十八十九二十七  
日太山府君上天界卯時後有惡風如無風即

雨又初八十五二十二日東岳府君朝玉帝主有大風

**冬朝晴雨**增農政全書十月立冬晴則一冬多晴雨  
則一冬多雨亦多陰寒諺云賣絮婆子看

冬朝無風無  
雨哭號咷

**霜占**增農政全書冬前霜多主  
來年旱冬後多晚禾好

**朔值占**增家塾事親朔日值立冬主災異值小雪有  
東風春米賤西風春米貴其日用斗量米若

綴在斗來春  
陡貴甚驗

**三卯**增家塾事親十月有  
三卯糴平無則穀貴

**沫露**原田家五行月內有霧為沫露主來年水大仍  
相去二百單五日水至須看霧著水面則輕離

水面  
則重

### 雜紀

**祀蚩尤**增史記五帝紀蚩尤注蚩尤冢在東平郡壽  
張縣闕鄉城中高七丈民常十月祀之有赤

氣出如匹絳帛  
名為蚩尤旗

未央宮上壽

增漢書高帝紀九年冬十月淮南王梁王趙王楚王朝未央宮置酒前殿上奉

玉卮為太上皇壽

大風歌

增漢書高帝紀十二年冬十月上還過沛留置酒沛宮悉召故人父老子弟佐酒發沛中

兒得百二十人教之歌酒酣上擊筑自歌曰大風起兮雲飛揚威加海內兮歸故鄉安得猛士兮守四方

獲白麟

增漢書武帝紀元狩元年冬十月行幸雍祠五時獲白麟作白麟之歌注獲白麟因改元

曰元狩也

太守享會

增後漢書到惲傳汝南舊俗太守十月享會百里內縣皆齎牛酒到府讌飲

夏門

增李尤雒陽城十二門銘夏門值孟位月在亥陰陽不通蝦蟇匿彩迎冬北壇從陰所在

員淵焦石

增拾遺記岱輿山有員淵千里常沸騰以金石投之則爛如土矣孟冬水涸中有黃

烟從地出起數丈烟色萬變山人掘之入數尺得焦石如炭滅有碎火以蒸燭投之則然而青色深掘則

火轉盛

鳳凰集

增宋書符瑞志漢宣帝神雀四年十月鳳凰十一集杜陵光武建武十七年十月鳳凰五

高八九尺毛羽五采集潁川郡羣鳥竝從行列蓋地數頃留十七日乃去安帝延光三年十月壬午鳳凰

集京兆新豐西界槐樹



東明

**增**梁書東夷傳高句驪以十月祭天大會名曰東明

得玉璽

**增**前涼錄建興三年冬十月蘭池長趙嬰上言軍士張冰於青澗水中得一玉璽鈕光照

水外文曰皇帝行璽張寔曰是非人臣所得畱遣使送於京師

冬初衣葛

**原**隋書袁克傳年十餘歲其父黨至門時冬初克尚衣葛衫客戲克曰袁郎子絺兮

綌兮淒其以風克應聲荅曰為絺為綌服之無斃

校獵射鹿

**增**舊唐書太宗紀貞觀四年冬十月十日校獵於貴泉谷十三日校獵於魚龍川自

射鹿獻於大安宮

祭神隧

**增**唐書高麗傳國左有大穴曰神隧每十月王皆自祭

得金座像

**增**法苑珠林宋尼釋慧玉長安人也行業勤脩經戒通備嘗南渡樊郢住江陵靈收

寺元嘉十四年十月夜見寺東樹有紫光爛起暉映一林以告同學妙光等而悉弗之見也二十餘日玉

常見焉後寺主釋法弘將於樹下營築禪基仰首條間得金座像高尺許

龍食

**增**法苑珠林唐貞觀十八年十月汾州并州文水縣兩界天大雷震空中雲內落一石下大如

碓嚙脊高腹平時西域摩伽陀菩提寺長年師來到西京內外博知勅問答云是龍食二龍相爭故落下

宮嬪呵筆

**增**開天遺事李白於便殿對明皇撰詔誥時十月大寒凍筆莫能書字帝勅宮嬪十

人侍李白左右令各執牙筆呵之遂取而書詔其受眷如此

**曹弗與畫龍**

增名畫錄曹弗與之筆代不復傳秘閣之內一龍而已吳赤烏元年十月大帝

遊青溪見一赤龍自天而下凌波而行遂命弗與圖之至宋文帝時累月亢旱祈禱無應乃取弗與畫龍置於水上應時畜

水成霧經旬霧霈

**禾生九穗圖**

增宋史五行志乾德二年十月眉州獻禾生九穗圖

**竹筒生枝葉**

增宋史五行志太平興國五年十月龍水縣華嚴寺舊截竹為筒引水忽生枝

葉長二丈許知州姜宣以聞

**瑞雪洗疫**

增真德秀跋敕封慧應大師後記建寧府浦城縣景祐南豐院故淨空禪師嘉定十

五年汀邵劍三州疫者各以萬計將及縣境時既十月矣而炎鬱不少衰知縣亟詣師禱焉風雨旋至瑞雪繼之浹旬之間癘氣如洗

**獻麟**

增燕翼貽謀錄太平興國九年十月嵐州獻獸一角似鹿無斑角端有肉性馴善詔羣臣參驗

徐鉉滕中正王佑等上奏曰麟也宰相宋琪等賀

**佳得**

原真臘風土記真臘每用中國十月為正月是月也名為佳得當國宮之前縛一大棚下可容

千餘人盡掛燈毬花朵之屬其對岸遠離二十丈地則以木接續縛成高棚如造塔撲竿之狀可高二十



餘丈每夜設三四座或五六座裝烟火爆杖於其上  
夜則請國王出觀點放烟火爆杖如是者半月而後  
止

**楊公泉**

增續夷堅志道士楊谷字洞微代州人隱居

華山晚愛中方卜居之中方舊無泉苦於遠  
汲洞微言山秀如此不應無泉乃齋沐致禱筮之得  
吉徵是時十月菴旁近葵花榮茂洞微云於文草癸  
為葵此殆水徵也與眾道士行尋之見異隅草樹隱  
隱有微潤掘之果得泉可供數百指然東隔絕澗南  
限羣峯石壁峻峭幾百步不可越乃就壁取石鑿竅  
嵌之壘為石梁甃泉為池自是中方得水甚易至今  
人目為楊公泉

**賞紅梔**

增錦繡萬花谷蜀孟景十月宴芳林園  
賞紅梔子花其花六出而紅清香如梅

**嘉禾**

增程史元祐丁卯十月定襄守臣得禾  
異畝同穎部使者臣商英作嘉禾篇

**義之石硯**

增玉海太平興國八年十  
月己丑越州獻義之石硯

**棗湯**

增遵生八牋十月宜進棗湯其方取大棗去  
皮核於文武火上翻覆焙香然後泡作湯服

**達摩渡江**

增傳燈錄梁武帝遣使迎請十月一日師  
至金陵帝問如何是聖諦第一義師曰廓

然無聖帝曰對朕者誰師曰不識帝不領悟師知機  
不契是月十九日潛廻江北十一月二十三日屆於  
洛陽當後魏孝  
文太和十年也



增明亭牡丹

增元好問滿庭芳詞并序正大四年戊子十月汴京遇仙樓酒家楊廣道趙君

瑞皆山後人其鄉僧李菩薩者狂人也常就之借宿每酒客散從外來臥具有閑剩則就之不然赤地亦寢一日天寒甚楊憐其羈窮飲之酒僧若愧焉晨起僧持酒盃出同宿者聞嘆聲少焉僧云增明亭前牡丹開矣速往看之人狂而不信也已乃果有兩花僧亦去京師觀者填咽酒壚為之一空楊因獲利不貲蓋僧以是報楊也天上殷韓解羈官府爛遊舞榭歌樓開花釀酒來看帝王州常見牡丹開候獨占斷穀雨風流仙家好霜天槁葉穠豔破春柔狂僧誰借手一盃喚起綠怨紅愁看天香國豔梅菊替人羞盡揭紗籠護日容光動玉笋瓊舟都人士女年年十月常記遇仙樓

鮑照從拜陵登京峴詩

增孟冬十月交殺盛陰欲終風烈無勁草寒甚有凋松軍

井冰晝結士馬羶夜重晨登峴山首霜雪凝未通息鞍循隴上支劍望雲峯表裏觀地險昇降究天容東嶽覆如礪瀛海安足窮

沈佺期辛丑十月上幸長安時扈從出西嶽詩

增西鎮何

穹崇壯哉信靈造諸嶺皆峻秀中峯特美好傍見巨掌存勢如拓東倒頗聞首陽去開坼此河道磅礴壓洪源巍峩載清昊雲泉紛亂瀑天磴屹橫抱皇明應天游十月戒豐鎬微末忝閑從兼得事蘋藻宿心愛茲山意欲拾靈草陰壑已冰闕雲竇絕探討芳月期再來廻策思方浩



李嶠十月奉教作

增白藏初送節元律始迎冬林枯黃葉盡水耗綠池空霜待臨庭月

寒隨入牖風別有歡娛地歌舞應絲桐

白居易初冬酒熟詩

增霜繁脆庭柳風利剪池荷月色曉彌苦鳥聲寒更多秋懷久

寥落冬計又如何一甕新醅酒萍浮春水波

白居易湓浦早冬詩

增潯陽孟冬月草木未全衰祇抵長安陌涼風八月時日西溢

水曲獨行吟舊詩蓼花始零落蒲葉稍離披但作城中想何異曲江池

李賀十月樂詞

增玉壺銀箭稍難傾釭花夜笑凝幽明碎霜斜舞上羅幕燭龍兩行照飛

閣珠帷怨臥不成眠金鳳刺衣著體寒長眉對月鬪彎環

月令輯要卷十八

月令輯要卷十九

十一月令

天道

月卦復

**原**

**易**復亨出入无疾朋來无咎反復其道七

日來復利有攸往**本義**復陽復生於下也剝

盡則為純坤十月之卦而陽氣已生於下矣積之踰月然後一陽之體始成而來復故十有一月其卦為復

雨潤

**增**

**易**

雨以潤之**集解**荀爽曰

謂建子之月含育萌芽也



**感發**原詩一之日感發疏一之日者周之正月謂建子之月也建子之月純陰已過陽氣初動物之

芽蘖將生故以日稱之感發為寒風仲冬之月待風乃寒

**改歲**原詩曰為改歲疏以仲冬陽氣始萌可為年之始故改正朔者以建子為正

**日在斗**原禮仲冬之月日在斗集說斗在丑星紀之次也

**中星**原禮昏東壁中旦軫中淮南子註東壁北方元武之宿軫南方朱鳥之宿

**律中黃鍾**原禮律中黃鍾集說黃鍾子律長九寸漢書律歷志黃鍾黃者中之色鍾者種也陽

氣施種於黃泉孳萌萬物為六氣元也始於子在十一月淮南子黃鍾位子其數八十一主十一月下生

**林鍾**白虎通十一月律謂之黃鍾何中和之色

鍾者動也言陽氣動於黃泉之下動養萬物也

**天地之房**原禮地氣沮泄是謂發天地之房疏房是萬物不使宣露

與房舍相似

**暢月**原禮命之曰暢月疏暢充也言名此月為充實

氣在上民人空閑故命曰暢月

**辜月**原爾雅十月為辜

**宣養德氣**增國語夫六中之色也故名之曰黃鍾所以宣養六氣九德也註宣徧也六氣陰陽

風雨晦明也九德九功之德十一月陽伏於下物始萌於五聲為宮含元處中所以徧養六氣九德之本

**辰始於子**增漢書律歷志太極元氣函三為一極中

始起於子未分之時天地人混合為一故子數獨一也

**招搖指子**原淮南子仲冬之月招搖指子晉書樂志十一月之辰謂為子子者孳也謂陽氣至此更孳

生也

**純陰用事**增西京雜記純陰用事未冬至前一日

**陰陽會遇**增詩紀曆樞陰陽之會一歲再遇遇於北方者以中冬

**天統**原春秋感精符天統者十一月建子天始施之端也周以為正

**萬物滋入**原說文十一月陽氣動萬物滋入以為稱

**陰復陽升**增周易集解侯果曰十一月天行至子陰復而陽升也

**色赤**增周易集解坎為赤孔穎達曰十一月一陽爻生在坎陽氣初生於黃泉其色赤也

**周伯星見**增宋史天文志景德三年十一月周伯星復見在氏自是常以十一月辰見東方

**大吉**增夢溪筆談十一月月建在子曰大吉予按大吉者冬至之氣小往大來君子道長大人之吉也故主文武

大臣之事



五色雲見增玉海正觀十五年十一月幽州言五色雲見又祥符二年十一月丙寅日上有五

雲色

嘉雪增玉海咸平五年十一月壬寅合祭園丘丙午大雪上謂呂蒙正曰郊祀之際重陰變晴今茲

成禮又獲嘉雪

陡寒增性理大全程子曰冬至一陽生却須陡寒正如欲曉而反暗也

### 節序

至日閉關原易雷在地中復先王以至日閉關商旅不行后不省方程傳雷在地中陽始復之

時也陽始生於下而甚微安靜而後能長先王順天道當至日陽之始生安靜以養之故閉關使商旅不得行人君不省視四方觀復之象而順天道也後漢書章帝紀元和二年冬十一月壬辰日南至初閉關梁白虎通冬至所以休兵不舉事閉關商旅不行何此日陽氣微弱王者承天理物故率天下靜不復行役扶助微氣成萬物也

一陽生原易復卦疏復謂反本靜為動本冬至一陽生是陽動用而陰復於靜也增程傳陰盛既

極冬至則一陽復生於地中故為復也

天地之心增易復其見天地之心乎本義積陰之下

月令輯要卷十九十一月令節序

此乃復可見邵子冬至詩冬至子之半天心無改移  
一陽初動處萬物未生時元酒味方淡大音聲正希  
此言如不信更請問庖羲

**日短星昴**

**原**書日短星昴以正仲冬**傳**日短冬至之

之三節**傅亮詩**星昴  
殷仲冬短晷窮南陸

**迎長至**

**增**禮郊之祭也迎長日之至也大報天而主

而漸舒故云迎長日之至郊祭者報天之大事可祀  
之以其道不可主之以其事故以日爲之主焉天秉  
陽日者衆陽之宗故就陽位而立郊兆

**日短至**

**原**禮是月也日短至陰陽爭諸生蕩**集說**短

者萬物之生機也蕩者動也

**禮神北極**

**原**周禮春官大宗伯以蒼璧禮天注此

**禮天神**

**原**周禮春官大司樂凡樂園鐘爲宮黃鐘爲

雲和之琴瑟雲門之舞冬日至於地上之園丘奏之

若樂六變則天神皆降可得而禮矣漢舊儀漢法三

歲一祭於雲陽宮甘泉壇以冬至日祭天天神下通

典武德初定令冬至祀天園丘壇於京城明德門外  
道東二里以景帝配五方上帝天文皆從祀庾信園  
丘降神歌重陽禋祀大報天丙午封壇肅且園孤竹



之管雲和絃神光未下風肅然王城七里通天臺紫微斜照影徘徊連珠合璧重光來天策暫轉鈞陳開

**葭灰動**增周禮六律六同疏冬至之節陽氣在地中始生而上長也陰氣在上而始入於地其深

九寸乃與陽合而陽長上通焉故葭灰未動黃鍾之管九寸中空皆陰氣也冬至而陽生上實於九寸之

空而葭灰動焉

**日月權輿**增逸周書惟一月既南至昏昴畢見日短

月斗柄建子始昏北指陽氣虧草木萌蕩日月俱起於牽牛之初右回而行月周天起一次而與日合宿日行月一次周天歷舍于十有二辰終則復始是謂日月權輿

**日南遠極**增漢書天文志冬至至於牽牛遠極故晷景彌長遠長乃極冬乃至焉

**大雪**原淮南子小雪加十五日斗指壬則大雪音此為大雪時雪轉甚故以大雪名節

**冬至**原淮南子大雪加十五日斗指子則冬至音比黃鍾孝經說斗指子為冬至至有三義一者陰

極之至二者陽氣始至三者日行南至

**斗北中繩**增淮南子曰冬至則斗北中繩陰氣極陽氣萌故曰冬至為德

節序

水正陰勝原淮南子曰冬至則水從之故十一月水正而陰勝註水正水王也

萬物仰生增淮南子冬至則陽乘陰是以萬物仰而生

德在室增淮南子冬至陰氣極則萬物閉藏蟄蟲首穴故曰德在室

羊脫毛增淮南子曰冬至羊脫毛

初陽雲原易通卦驗冬至初陽雲出箕如樹木之狀

從樂增易通卦驗冬至之始人主與羣臣左右從樂五日天下之衆亦家家從樂五日為迎日至之

禮

鼓用馬革增易通卦驗冬至日鼓用馬革圓徑八尺一寸註馬坎類

瑟用槐木增易通卦驗冬至瑟用槐木長八尺一寸

間音以竽增春秋感精符冬至之日人主使八能之士吹黃鍾之律間補音以竽

日在外衡增孝經緯日在外衡牽牛之初冬至之日

樂用管增樂緯坎主冬至樂用管

履長增玉燭寶典冬至律當黃鍾其管最長故有履長之賀

鑽燧改火增後漢書禮儀志日冬至鑽燧改火



八能士言事

增後漢書禮儀志八能士各書板言事

黃鍾之音調君道得孝道褒商臣角民徵事羽物各一板

坎音

增白虎通樂記曰壘坎音也壘在十一月

陰氣推上

增白虎通冬至陽始起反大寒何也陰氣推而上故大寒

薦黍糕

原四民月令冬至之日薦黍糕先薦元冥以

獻履履

原四民月令近古婦人常以冬至日獻履履

伏見舊儀國家冬至獻履貢襪所以迎福踐長先臣或為之頌臣既玩其嘉藻願述朝慶千載昌期一陽嘉節四方交泰萬彙昭蘇亞歲迎祥履長納慶不勝感節情繫帷幄拜表奉賀并獻紋履七量襪若干副茅茨之陋不足以入金門登玉臺也增酉陽雜俎北朝婦人常以冬至日進履襪及鞞

三極

增月令章句冬至之為極者有三意焉晝漏極短去極極遠晷景極長極者至而還之辭也

舉觴賜子

增晉書列女傳周顛母李氏常冬至置酒

爾等並貴列吾目前吾復何憂嵩起曰恐不如尊旨伯仁志大而才短名重而識闇好乘人之弊此非自全之道嵩性抗直亦不容於世唯阿奴碌碌當在阿母目下耳阿奴謨小字也後果如其言



北天氣至增晉書天文志冬至極低而天運近南故也

儀亞正歲增宋書禮志魏晉冬至日受萬國及百寮稱賀因小會其儀亞於歲旦乾淳歲時記

冬至朝廷大朝會慶賀排當並如元正儀

遣囚增梁書王志傳志為寧朔將軍東陽太守郡獄有重囚十餘人冬至日悉遣還家過節皆返唯

一人失期獄司以為言志曰此自太守事主者勿憂

明日果自詣獄辭以婦孕吏民益嘆服之南史席闡文傳為東陽太守在郡有能名

冬至悉放獄中囚依期而至

舞歌上壽增魏書高祖傳冬至高祖文明太后大饗

乃歌仍率羣臣再拜上壽間進曰臣聞大夫行孝行

合一家諸侯行孝聲著一國天子行孝德被四海今

陛下聖性自天敦行孝道稱觴上壽靈應無

差臣等不勝慶踊謹上千萬歲壽高祖大悅

朝賀讀表增唐會要貞元四年李泌請

冬至朝賀中書令讀諸方表

辟寒犀原開天遺事開元二年冬至交趾國進犀一

株色黃如金使者請以金盤置於殿中溫溫

然有煖氣襲人上問其故

使者對曰此辟寒犀也

冰筋原開天遺事冬至日大雪至午雪霽有晴色因

寒所結簷溜皆為冰條妃子使侍兒敲下二條



月令輯要卷十九  
看玩帝自晚朝視政回問妃子曰所玩何物耶妃子  
笑而答曰妾所玩者冰筋也帝謂左右曰妃子聰慧  
比象可愛也

**添線**原唐雜錄唐宮中以女功揆日之長短冬至後  
日晷漸長比常日增一線之功增元氏掖庭記

刺繡亭冬至則候日於此亭邊有一線竿竿  
下為緝袞堂至日命宮人把刺驗一線之功

**赤豆粥**增風土記天正日南黃鍾踐長是日始牙動  
為饘粥以養幼俗尚以赤豆為糜所以象色

也

**詔諸州薦舉**增登科記調露元年詔曰今年冬至有  
事嵩嶽令諸州明揚側陋或文武兼資

材堪將相或學藝該博業標儒首或藻思宏麗辭擅  
文宗或洞曉音律識均牙曠或深明曆數妙同京管  
者咸令  
薦舉

**坎王**增周易集解勞乎坎崔憬曰冬  
至則坎王而萬物之所歸也

**祭寶鼎**增宋史禮志鑄九鼎於中太一宮南為殿奉  
安之曰九成宮北方曰寶鼎其色黑祭以冬

至幣  
用阜

**詔賜御筵**增宋史禮志元祐二年十一月冬至詔賜  
御筵於呂公著私第遣中使賜上尊酒香

藥果實縷金花等以御飲器勸酒遣教坊樂工給  
內帑錢賜之及暮賜燭傳宣令繼燭皆異恩也

**斗分**增夢溪筆談曆法布步歲之法以冬至斗建所

文從步從戌戌者斗魁所抵也

**天象成文**增曲洧舊聞麗莊敏公帥延安日因冬至

麗某後十年作相以仁佐天子凡十有三字駐視久之方滅公因自作詩紀其事云冬至子時陽已生道

隨陽長物將萌星辰賜告銘心骨願以寬章輔至平按實錄自慶曆元年初分陝西四路公與韓忠獻公

范文正公王聖源三公俱為帥至皇祐三年登庸適十年天道遠矣而告人諄諄若此

**冬除**增老學庵筆記陳師錫家享儀謂冬至前一日為冬住與歲除為對蓋閩音也予讀太平廣記

有盧頊傳云是夕冬至除夜乃知唐人冬至前一日亦謂之除夜詩唐風日月其除除音直慮反則所謂冬住者冬除也陳氏傳其語而失其字耳

**增年**增陸游冬至詩家貧輕過節身老怯增

**黃雲扶日**增玉海開元十六年十一月日南至御舍元殿受朝太史奏黃雲扶日

**宜盤**增食譜張手美家冬至宜盤

**做節**增乾淳歲時記冬至三日之內店肆皆罷市垂簾飲博謂之做節

**賀冬**增乾淳歲時記冬至都人最重一陽賀冬車馬皆華整鮮好五鼓已填擁於九街婦女小兒服



飾華炫往來如雲嶽祠  
城隍諸廟炷香者尤甚

### 百味餛飩

**增**乾淳歲時記冬至享先以餛飩有冬餛飩年餼飩之諺貴家求奇一器凡十餘色

謂之百味餛飩

### 歲氣起冬至

**增**性理大全臨川吳氏曰揚子建以歲氣起冬至者冥契先天始震終坤之義

子午歲之冬至起燥金而生丑中之寒水丑未歲之冬至起寒水而生丑中之風木寅申歲起風木卯酉歲起君火辰戌歲起濕土巳亥歲起相火皆肇端於子半六氣相生循環不窮又歲氣起於子中盡於子中故曰冬至子之半天心無改移子午之歲始冬至燥金三十日然後禪於寒水以至相火日各六十者

五而小雪以後其日三十復終於燥金丑未之歲始冬至寒水三十日然後禪於風木以至燥金日各六十者五而小雪以後其日三十復終於寒水寅申以下皆然如是六十年至千萬年氣序相生而無間

### 望拜黑山

**增**遼史禮志冬至日國俗屠白羊白馬白鴈各取血和酒天子望拜黑山黑山在境

北俗謂國人魂魄其神司之猶中國之岱宗云每歲是日五京進紙造人馬萬餘事祭山而焚之

### 冬至宴

**增**歲華紀麗譜冬至節宴於大慈寺後一日早宴金繩寺晚宴大慈寺清獻公記云至前

一日太守領客出北門石魚橋具樽豆觀醮已乃即天長觀晚宴蓋文潞公始為之後復罷

### 一陽巾

**增**金門歲節洛陽人家冬至戴一陽巾

**肥冬**原豹隱紀談吳門風俗多重至節謂曰肥冬瘦年互送節物

**埋雄鵲**增本草綱目冬至埋雄鵲於園前辟時疾溫氣

**分冬酒**增嘉定縣志冬至春粢糕以祀先祖并以饋遺更速燕飲謂之節酒亦名分冬酒

**小至**增稗史彙編杜甫有小至詩小至即冬至也冬至陰極故曰小至

**三素雲**增雲笈七籤冬至清旦正東望有朱碧黃雲者是太霄玉妃太虛上真人三素雲也存禮

密祝三見雲輦白日昇仙

### 御製長至日記

### 天園丘有述四章

於穆天綽鑒觀惟赫播物無私佑於有德

高皇受命膺符闡繹不顯

太宗廓圖登績眷我

皇考九圍是式克享天心立民之極 一章

洪惟景運集於眇躬南諧北燮君茲萬邦夙夜敬止

恒惕于衷母曰高高聽卑則聰母曰盱盱視遠斯通



罔敢逸豫昭事必恭 二章

是月仲冬維日長至爰啟

秦壇肅將禋祀濟濟奉璋羣工在位牲玉既陳籥舞乃備

對越有虔百神攸暨雲旂揚揚華星哲哲 三章

乃辨雲物載觀載書乃占豐年多黍多稌南陸曜采  
導我歸輿芸香始生景長以舒初陽來復相協攸居  
垂象是則奉若不渝 四章

御製途中長至詩旌門已報黃鍾節六琯葭飛律未殘  
鬢鬢占雲書太史瑒瑒佩玉憶郊壇陽升一綫宮中  
日冰合重淵野外寒景福

重闈應有慶晴光捧處是長安

御製冬至回京齋戒夜坐詩一陽初發便知天暫別

慈顏日日懸午夜齋明湛心志夢中猶自侍溫泉

杜甫小至詩

增天時人事日相催冬至陽生春又來  
刺繡五紋添弱線吹葭六琯動飛灰岸

容待臘將舒柳山意衝寒欲放梅雲  
物不殊鄉國異教兒且覆掌中杯

崔琮長至上公獻壽詩

增應律三陽首朝天萬國  
同斗邊看子月臺上候祥

風五夜鐘初曉千門日正融玉階文物盛仙仗武貔  
雄率舞皆羣辟稱觴即上公南山為聖壽長對未央  
宮

韓偓冬至夜詩

增中宵忽見動葭灰料得南枝有早  
梅四野便應枯草綠九重先覺凍雲

開陰冰莫向河源塞陽氣今從地底迴  
不道慄舒無定分却憂蚊響又成雷

范成大冬至日遙想郊禋慶成口號

增浙浙霜風不  
滿旗紫烟黃氣

捧朝曦五更貫索埋光後萬里鈎陳放仗時留滯周  
南無舊事布宣漢德有新詩豐年四海皆溫飽願把  
歡心壽玉卮

日次

初一日

布治

增周禮天官太宰正月之吉始和布治于邦國  
都鄙註正月周之正月吉謂朔日太宰以正月

朔日布王治之事於天下凡治有故言始和者若改  
造云爾唐會要周禮太宰正月之吉布政于寶註云

周正建子之  
月告朔日也



受教灋

增周禮地官鄉大夫鄉大夫之職各掌其鄉之政教禁令正月之吉受教灋于司徒退而

頌之于其鄉吏使各以教其所治以攷其德行察其道藝疏言正月之吉者謂建子之月月朔之日

讀法

增周禮地官州長州長各掌其州之教治政令之法正月之吉各屬其州之民而讀法以攷其

德行道藝而勸之以糾其過惡而戒之疏謂建子之月一日也

辰在斗柄

增國語辰在斗柄註辰日月之會斗柄斗前也謂戊子後三日得周正月辛卯朔於

殷為十二月夏為十一月是日月合辰斗前一度

朔旦冬至

增史記封禪書齊人公孫卿曰今年得寶鼎其冬辛巳朔旦冬至與黃帝時等卿有

札書曰黃帝得寶鼎宛胸問於鬼與區與區對曰黃

帝得寶鼎神策是歲己酉朔旦冬至得天之紀終而

復始於是黃帝迎日推策後率二十歲復朔旦冬至

玉海淳熙二年十一月朔旦冬至臣僚言至朔同日

凡十九年一遇雲物輝華請宣示史館又至道二年

呂奉天上言起商王小甲七年十二月甲申朔旦冬

至自此後每七十六年得一

朔旦冬至詔令撰為一書

立泰時

增漢書武帝紀元鼎五年十一月辛巳朔旦冬至立泰時於甘泉漢書郊祀志十一月辛巳朔旦

巳朔旦冬至吻爽天子始郊拜泰一朝朝日夕夕月

則揖而見泰一如雍郊禮其贊饗曰天始以寶鼎神

策授皇帝朔而又朔終而復始皇帝敬拜見焉而衣

上黃其祠列火滿壇壇旁亨炊具有司云祠上有光



公卿言皇帝始郊見泰一雲陽有司奉瑄玉嘉牲薦享是夜有美光及晝黃氣上屬天

### 上元甲子

增漢書武帝紀太初元年十一月甲子朔旦冬至祀上帝於明堂又律歷志註太初

上元甲子夜半朔旦冬至時七曜皆會聚斗牽牛分度夜盡如合璧連珠唐書曆志治曆之本必推上元日月如合璧五星如聯珠夜半甲子朔旦冬至自此七曜散行不復餘分

### 聖主厚祚

增樂協圖徵朔日冬至聖主厚祚

### 置牙符

增宋史高宗紀紹興五年十一月庚午朔初置節度使以下金字牙符命都督府掌之玉

海紹興五年十一月庚午朔初置節度使已下象牙牌其法自節鉞正任至橫行遙郡第其官資書之於

牌御書押字刻金填之仍合同製造一留禁中一降付都督府相臣主其事緩急臨敵果有建立奇勲之人量功勞先給賜以為執守

### 貢舉正衙見

增宋史禮志建隆二年禮院準禮部貢院移按禮閣新儀云舊儀無貢舉人謁

先師之文開元二十六年詔諸州貢舉人見訖就國子監謁先師官為開講質問疑義所司設食昭文崇文兩館學士及監內諸舉人亦準此自後諸州府貢舉人十一月朔日正衙見訖擇日謁先師遂為常禮

### 謁文宣王廟

增宋史禮志真宗祥符元年封泰山詔以十一月一日幸曲阜備禮謁文宣王

廟內外設黃麾仗孔氏宗屬並陪位帝服鞞袍行酌獻禮又幸叔梁紇堂命官分奠七十二弟子先儒洎



叔梁紇顏氏初有司定儀肅揖帝特展拜以表嚴師崇儒之意親製贊刻石廟中

**頒政**增宋史禮志政和七年十一月一日上御明堂南面以朝百辟退坐于平朔頒政其禮百官常

服立明堂下乘輿自內殿出負斧展坐明堂大晟樂作百官朝于堂下大臣升階進呈所頒布時令左右丞一員跪請付外施行宰相承制可之左右丞乃下授頒政官頒政官受而讀之訖出閣門奏禮畢帝降坐百官乃退自是以為常

**校定說文**增玉海雍熙三年十一月朔右散騎常侍徐鉉等獻新校定說文三十卷十五卷每

卷分上下以正副本及羣臣家藏者詳考是非補正缺漏有正體而時俗訛變者具於注中違戾六書者

序列於後諸儒箋釋可取者亦附益鉉等亦加訓釋時未有反切後人附益互有異同今並以孫愐唐韻音切為定詔付史館摹板頒行

**百官次對**增玉海待制候對唐制也每正衙待制官兩員正衙退後又令六品以下於延英候

對皆所以備顧問其後每入閣即有待制次對官後唐天成中廢淳化二年十一月一日詔復百官次對每起居日常參官兩人次對閣門受其章

**拜孔林**增玉海祥符元年十一月一日幸曲阜縣謁文宣王廟禮畢於殿西序召見孔氏子孫撫

諭問宣尼墳隴所在令子孫前至孔林以林木擁道降輿乘馬至墓設奠再拜退坐北序與從臣閱碑版



詔追諡曰元

聖文宣王

封周公

增玉海祥符元年十一月戊午朔封周公文憲王建廟曲阜長吏春秋祭之

加諡太公

增玉海祥符元年十一月戊午朔加諡太公昭烈武成王令青州立廟春秋致祭

聚星堂賦雪

增蘇軾聚星堂雪詩序元祐六年十一月一日禱雨張龍公得小雪與客會飲

聚星堂忽憶歐陽文忠公作守時雪中約客賦詩禁體物語於艱難中特出奇麗爾來四十餘年莫有繼者僕以老門生繼公後雖不足追配先生而賓客之美殆不減當時公之二子又適在郡故輒舉前令各賦一篇窻前暗響鳴枯葉龍公試手行初雪映空先集疑有無作態斜飛正愁絕眾賓起舞風竹亂老守

先醉霜松折恨無翠袖點橫斜祇有微燈照明滅歸來尚喜更鼓永晨起不待鈴索掣未嫌長夜作衣稜却怕初陽生眼纈欲浮大白追餘賞幸有回飈驚落屑模糊檜頂獨多時歷亂瓦溝裁一瞥汝南先賢有故事醉翁詩話誰續說當時號令君聽取白戰不許持寸鐵

端首

增性理大全潛室陳氏曰日月運轉於天如人之行步故推曆謂之步曆步曆之始謂之上元

必以日月全數為始於前更無餘分以此日為端首即十一月甲子夜半朔旦冬至也故言履端於始也

人戶推收

增金史食貨志泰和五年簽南京按察司事李革言近制令人戶推收物力置簿標

題至通推時止增新強銷舊弱庶得其實今有司奉行滅裂恐臨時冗併卒難詳審可定期限以督之遂



令自今年十一月一日令人戶告詣推收標  
附至次年二月一日畢違期不言者坐罪

**權德輿朔旦冬至攝職南郊詩**增大明南至應天正  
朔旦園丘樂九成文

軌盡同堯歷象齋祠忝備漢公卿星辰列位祥光滿  
金石交音曉奏清更有觀臺稱賀處黃雲捧日瑞昇  
平

**蘇軾直玉堂十一月一日鑊院是日苦寒詔賜官燭**

**法酒書呈同院詩**原微霰疎疎點玉堂詞頭夜下攬  
衣忙分光御燭星辰爛拜賜宮壺

雨露香醉眼有花書字大老人無睡漏聲  
長何時却逐桑榆煖社酒寒燈樂未央

**初二日**

**郡縣主見舅姑**增唐會要建中元年十一月二日禮  
儀使顏真卿等奏郡縣主見舅姑請

於禮會院過事明日早執筭盛以棗栗服脩奠於舅  
姑席前赴光順門謝恩駙馬加以璋郡主壻加以璧  
以代用焉

**獻聖德詩**增玉海紹興二十一年十一月二  
日程端厚獻聖德詩除直徽猷閣

**賜飛白書**增玉海寶元二年十一月二日己丑遣內  
侍就輔臣第賜御飛白書各一軸輔臣張

士遜等入謝奏曰陛下萬幾之煩翰墨不倦神筆奇  
奧曠古未有上曰朕聽政之暇無所用心以此自娛

月令輯要卷十九十一月令日次三

耳

# 初三日

## 上忠孝圖

**增**唐會要貞觀十三年十一月三日揚州長史李襲譽撰忠孝圖二十卷上之太宗

覽而稱善

## 楊正見上昇

**增**太平廣記楊正見通義縣民楊寵女

魚之生竟不忍殺既捕舅姑促責正見懼竄野徑中見一女冠具以其由白之女冠因留止山舍常使汲澗泉泉所有一小兒潔白可愛正見因抱之歸漸近家兒已殭矣視之如草樹之根女冠見而識之乃茯苓

苓也命潔甌蒸之會女冠出山此夕大風雨山水溢道阻十日不歸正見飢甚聞甌中物香因竊食之數日俱盡女冠歸嘆曰此山有人形茯苓得食之者白日昇天吾伺之二十年矣汝今遇而食之真得道者也自後正見容狀光彩常有羣仙降其室歲餘白日昇天即開元二十一年十一月三日也

## 上元舞

**增**玉海上元舞者高宗所作也舞者百八十人衣畫雲五色衣以象元氣其樂有上元二

儀三才四時五行六律七政八風九宮十洲得一慶雲之曲大祠享皆用之至上元三年十一月三日詔惟園丘方澤太廟乃用餘皆罷

## 觀銅渾儀

**增**玉海祥符三年十一月三日召輔臣至龍圖閣觀銅渾儀其制為天輪二一平一



側各分三百六十一度又為黃赤道立管於側輪中以測日月星辰行度皆無差

初四日

飾御耒耜

增玉海 雍熙四年十一月四日禮儀使言御耒耜二具并緇並飾以青准乾元故事

其制如農人所執者不加雕飾事畢內中尚收之載以耕根車

幸太學

增玉海 崇寧三年十一月四日甲戌幸太學辟雍書手詔賜司業吳綱等學官遷秩賜章

服兩學授官免舉賜帛

初五日

宴來朝子弟

增宋史禮志 開寶四年十一月五日江南李煜吳越錢俶各遣子弟來朝宴於

崇德殿

天應節

增宋史禮志 政和三年十一月五日以前修祀事天真示見詔為天應節

閱教戰

增玉海 咸平三年十一月五日御崇政殿閱捧日天武右廂第一指揮使教戰前列騎

士步卒次之舉赤旗則騎進青旗則步進弓弩齊發矢下如雨復以金鼓節其進退擢射御超倫者遞補

軍職

甘露歌

增玉海 祥符九年十一月五日賜玉清昭應宮甘露歌曰名神漿稱天酒考祥圖兮嘉應

之首降仁壽零未央  
觀舊史兮太寧之祥

### 東嶽奉冊

增湘山野錄向大資敏中祥符四年為東嶽奉冊使奏奉冊前十日雨雪日甚至十一月五日詣本廟奉冊忽至景氣晴和宛若春意又

得兗州狀稱據黃現舖人員夏興狀今月四日將兵巡至馬嶺見五人各服黃紫衣執旛蓋與等恐是冊使向前迎接忽然氛霧漸起即不見又得天貺觀道士孫守一狀冊使詣本殿燒香畢有阜鶴兩隻至殿盤旋飛翥甚久詞臣各進頌

### 初六日

### 西域冬至

增齊民要術西域諸國志天竺十一月六日為冬至

### 奏郊享文武舞

增唐會要儀鳳二年十一月六日太

常少卿韋萬石奏據貞觀禮郊享日  
文舞奏元和順和永和等樂舞人著委貌冠舞執籥翟武舞奏凱安舞人著平冕執干戚詔錄凱安六變法象奏聞

### 初七日

### 大閱西郊

增玉海建隆三年十一月七日辛酉以殿前侍衛諸軍及京都兵從駕出元化門大

閱西郊

### 學士撰碑

增玉海開寶三年十一月七日詔學士李昉盧多遜等十三人分撰嶽瀆祠及歷代

月令輯要

卷十九十一月令

日次



帝王

賜帶簡鞍馬

帶象簡  
鞍馬

增玉海紹興二十三年十一月七日講  
尚書終篇賜侍讀侍講說書修注官金

初八日

南郊親祀

增舊唐書德宗紀貞元六年九月己卯詔  
十一月八日有事南郊太廟行從官吏將

士一切並令自備食物其諸司先無公廚者以本司  
闕職物充其王府官度支量給廩物其儀仗禮物並  
仰御史搏節處分十一月庚午日南至上親祀昊天  
上帝於郊丘禮畢還宮御丹鳳樓宣赦見禁囚徒減

罪一等立仗將士及諸

軍兵賜十八萬段匹

三科察舉

增玉海開寶九年十一月八日庚午太宗  
命轉運以三科察舉官吏政績尤異為上

恪居官次職務粗治為中臨事  
弛慢所蒞無狀為下歲終以聞

廟饗瑞雪

增玉海乾道九年十一月八日太廟  
行禮陰雲閣雨既成謁饗瑞雪應時

初九日

頒行律疏

增唐會要永徽三年詔律學未有定疏宜  
廣召解律人修義疏使中書門下監定參

撰律疏成三十卷四年十一  
月九日上之詔頒行天下

定車服制度

**增**玉海端拱二年十一月九日詔曰國家先定車服制度聞士庶尚有奢僭於

是鞍轡服帶幘頭巾子並為條制復禁泥金真珠服飾

賜御筵香茗

**增**玉海紹興二十三年十一月九日賜講讀官御筵於秘書省就賜香茗皆作

詩以謝自是為故事

初十日

華岳祠碑

**增**唐會要開元十二年十一月十日上幸東都至華州命刺史徐知仁與信安王禕

勒石於華岳祠南之蓮衢上親製文

賜詩寵行

**增**玉海天聖九年十一月十日癸未翰林侍講學士孫奭知兗州賜近臣館閣官餞

於瑞聖園帝作七言詩寵其行詔近臣皆賦

觀醮

**增**玉海祥符七年十一月十日御乾元門觀醮者五日是日近臣咸與宴京畿父老於樓下賜

綿袍茶絹日有五色暈慶雲見

加封四瀆

**增**玉海康定元年十一月十日加封四瀆

萼綠華降

**原**雲笈七籤萼綠華者仙女也年二十許上下青衣顏色絕整以晉穆帝昇平三年

已未十一月十日夜降於羊權之家權字道輿即簡文帝黃門郎羊欣之祖也



十一日

**得土圭**增唐會要調露元年十一月十一日於陽城周公測景所得土圭長丈二尺七寸

**獲禽薦享**增宋史禮志太宗雍熙二年十一月詔曰夫順時蒐狩禮有舊章非樂畋遊將薦宗廟久隳前制闕孰甚焉爰遵時令暫狩近郊既躬獲禽用以薦俎其今月十一日畋獵親射所獲田禽並付所司以備太廟四時薦享著為令

**進十二仙畫**增名畫錄道士張素卿性好畫惟畫道門尊像甲寅歲十一月十一日值蜀主誕生之辰安公進素卿所畫十二仙真形十二幀蜀主耽玩因命翰林學士歐陽炯次第讚之凡有醮奏

於玉局開懸供養

於玉局開懸供養

**宗子授官**增玉海熙寧二年十一月十一日中書密院議宣祖太祖太宗之子皆擇其後一人

為宗世世封公補環衛以奉祭祀祖宗祖免親將軍以下願出官者聽應舉者依外官條例其非祖免親更不賜名授官從之

**枸杞湯**增雲笈七籤凡人常以十一月十一日取枸杞煮作湯沐浴令人光澤不病不老

十二日

**上三教珠英**增唐會要大足元年十一月十二日麟臺監張昌宗撰三教珠英一千三百卷

成上之初聖曆中上以御覽及文思博要等書聚事  
多未周備遂令張昌宗召李嶠魏知古等二十六人  
同撰於舊書外更加佛道二  
教及親屬姓名方域等部

**賜韓琦手札**

**增**玉海治平四年十一月十二日命韓  
琦判永興兼陝府西路經畧安撫使賜

手札趣令治裝並封示蔡挺李肅之所奏事故事節  
度使辭賜窄衣束帶甲馬上以琦再世宰輔位處三  
公特賜對衣笏頭帶鞍  
轡馬仍令常服引對

**祭河瀆**

**增**玉海祥符元年十一月十二日庚午將幸  
澶先命學士李宗諤祭河瀆辛未帝幸廟酌

奠以頓丘令為廟令命晁迥  
為碑丙子封顯聖靈源公

**立詩賦式**

**增**玉海元祐二年十一月  
十二日詔禮部立詩賦式

**置大小二學**

**增**玉海崇寧元年十一月十二日諸王  
宮置大小二學增置教授二員立考選

法

**十三日**

**羣書四部錄**

**增**唐會要開元九年十一月十三日左  
常侍元行冲上羣書四部錄二百卷藏

之內府凡二千六百五十五部四萬八  
千一百六十九卷分為經史子集四部

**太清樓閱書**

**增**玉海天禧二年十一月十三日召近  
臣至太清樓觀太宗御書及聖製羣書



賜宴樓下上作太清樓閱書歌詩二首

**嚴整仗衛**增 **玉海**元祐七年十一月十三日南郊蘇軾為鹵簿使導駕內中紅車爭道亂行軾

於車上草奏明日敕有司嚴整仗衛自皇后以下皆不復迎謁中道

**祥曦殿記注**增 **玉海**乾道二年十一月十三日壬子起居注舍人洪邁言景祐以來有邇英

延義記注數十年來稍廢不續臣伏觀今月五日王曠進讀春秋莒人伐杞上曰春秋無義戰周敦羔進讀三朝寶訓論文章之弊上曰文以理為主陳岩肖奏刑部事上曰寬則容奸急則人無所措手足凡此數端皆承學之臣日夜探討累數百語不能盡而陛下蔽以一言然記言動之臣不能究宣乞自今講讀

官以日得聖語送修注官使謹書之願倣前制因今所御殿賜名祥曦殿記注從之

十四日

**侍郎知武舉**增 **唐會要**開元二十六年十一月十四日敕武貢以求才實比委郎官未稱其

事今後令侍郎知武舉

**講次秘書總目**增 **楓窗小牘**政和七年十一月十四日戊戌校書郎孫覲奏四庫書尚循

崇文舊目頃訪求遺書總目之外凡數百家幾萬餘卷請撰次增入總目合為一卷詔覲等撰次名曰秘書總目

延慶節

增玉海十一月十四日唐懿宗生名延慶節廣卓異記按趙氏科名錄隱懿宗朝登庸太

夫人盧氏在堂除麻之日三相國並百執事並赴私第列班陳慶賀之禮每朔旦憲府中集百辟到宅候起居太夫人及懿皇降誕日相府與文武兩班於慈恩寺飯僧教坊三部大合樂於佛殿前京兆府構綵棚接東西廊備相府宅觀閱時隱侍板輿到寺及丞相率百官於庭北謝恩賜酒畢乃迴班就棚通太夫人起居朝野莫不稱慶

辨才咒水

增西湖志餘辨才住天竺善持咒水飲病者輒愈熙寧九年嘉興令陶象有子得疾甚異辨才適至秀州令聞其名即馳詣告曰兒始得疾時見一女子自外來相調笑久之俱去行至水濱

遺詩曰生為木卯人死作幽獨鬼泉門長夜開衾幃待君至且曰仲冬之月二七之間月盈之夕車馬來迎今妖期逼矣未知所處辨才因至其家除地為壇取楊枝露水灑而咒之三遶壇而去是夜女子與兒舉觴為別作詩云仲冬二七是良時江下無緣與子期今日臨岐一盃酒共君千里遠相離遂不復見

十五日

唐中宗誕辰

增舊唐書中宗紀中宗皇帝顯慶元年十一月乙丑生於長安全唐詩話景龍

二年十一月十五日中宗誕辰內殿聯句為栢梁體又三年十一月十五日中宗誕辰長寧公主滿月李嶠詩神龍見象日仙鳳養雛年是也



**編修兵仗**增玉海元豐元年十一月十五日編修九軍兵仗以河東經畧同提舉

**占城國冬至**原文獻通考占城國其風俗定十一月十五日為冬至人皆相賀州縣以土產

物帛獻其王

**復聖廟成**增元史祭祀志至順元年冬十一月望曲阜兗國復聖公新廟落成

**啓福齋**原雲笈七籤三洞奉道科云十一月十五日為啓福齋

**崔曙早發交崖山還太室作**增東林氣微白寒鳥急高翔吾亦自茲去北山

歸草堂仲冬正三五日月遙相望蕭蕭過潁上矚矚辨少陽川冰生積雪野火出枯桑獨往路難盡窮陰

人易傷傷此無衣客如何蒙雪霜

十六日

**書御史闕失**增唐會要天寶四載十一月十六日敕御史依舊置黃卷書闕失每歲委知雜

御史長官比類能否送中書門下改轉日褒貶

**郊用甲子**原春明退朝錄宋太祖建隆四年南郊改元乾德是歲十一月二十九日冬至而郊

禮在十六日何也乃檢日曆其赦制云律且協於黃鐘日正臨於甲子乃避晦而用十六日甲子郊也及

修實錄以此兩句太質而削去之遂失其義增避暑錄話藝祖四年郊日至在晦先無知之者至期實儼

始上聞不得已乃用十六日甲子非日至而郊惟此一舉

**宴占城使**增玉海紹興二十五年十一月十六日賜占城使宴享於懷遠驛

**晚講坐講**增玉海嘉定二年十一月十六日侍讀章穎等言前此未有晚講坐講自陛下始行之書之國史為法來世按講官十員兩日一次

五人上講早二晚三早講殿上晚小衫坐講

十七日

**無鞭背**增唐會要貞觀四年十一月十七日制決罪人無得鞭背增通鑑貞觀四年十一月上讀

明堂鍼灸書云人五藏之系咸附於背戊寅詔自今毋得笞囚背

**幸武成王廟**增玉海淳化五年十一月十七日幸武成王廟指郭子儀謂左右曰累朝握兵

立大功宜其配享矣又指李晟曰德宗播越蓋為奸邪所誤不能斥去之非李晟克復唐運已去矣咨嗟

之久

**幸學講書**增玉海淳化五年十一月十七日上幸國子監賜直講孫奭五品服復幸太學賜羣

臣坐時侍講李至執經講堯典一篇未畢令奭講說命三篇帝曰尚書主言治世之道說命最備文王得

太公高宗得傅說皆賢相也飲從官酒三行賜奭帛三十匹

**閱武便殿**增玉海至道元年十一月十七日上閱武便殿衛士挽弓有及一石五斗者矢二十



發而綽有餘力因謂近臣曰事有奇異驚聽者此是也方今寰海無事美才間出悉在我彀中矣朕向於行伍中選氣質端謹勇而知禮進退有度者授以挽強之法俾相講教所以弧矢之妙夔古無比又令騎步兵各數百東西列陣發矢如一容止中節上曰數百人猶兵威可觀况堂堂之陣數萬成列者乎

賜花作樂

**增**玉海慶曆六年十一月十七日講詩徹宴近臣賜花作樂從官皆獻詩頌

冠禮沿革

**增**玉海大觀元年詔講求典禮尚書省置議禮局二年十一月十七日御製冠禮沿革十卷付議禮局餘

五禮令視此編次

十八日

獻八寶

**原**寶記肅宗元年建子月十八夜尼真如為神人召往化城見天帝授以八寶俾獻於朝

以消沴氣

和瑞雪詩

**增**玉海景德四年十一月十八日雪宴近臣於中書館閣於崇文院帝作瑞雪五言

詩令館閣即席和進

增修石塘

**增**楓窻小牘浙江石塘剏於錢氏乾道七年十一月十八日帥臣沈夔修石隄成增

石塘九十四丈

十九日

試身言書判

增玉海天禧三年十一月十九日命近臣與判銓官試身言書判以所試進呈

詔定正旦儀注

增玉海元豐元年十一月十九日已丑詔龍圖直學士宋敏求等四人詳

定正旦御

殿儀注

幸尚書省

增玉海元豐六年十一月十九日庚申幸尚書省駐輦令廳上顧執政日新省宏壯

與官制相稱又召尚書侍郎以下隨其曹問以職事

蘇頌謝表三朝漢省已叨過輦之恩六典周官願謹

書屏

之戒

書嵇侍中廟額

增研北雜志趙子昂學士言嵇侍中廟在湯陰縣西門外二里延祐元年

十一月十九日彰德朱長儒道邦人之意求書晉嵇

侍中之廟六字敬其忠節不辭而書之運筆如飛若

有神助是夜京口石民瞻館於書室夢一丈

夫云今日趙子昂為余書廟額故來謝之

慈聖誕辰

增菊隱紀聞明慈聖太后事佛甚謹宮中

誕辰百官幸於午門前稱賀長安

百姓婦孺俱於佛寺進香祝釐

二十日

龍圖閣曲宴

增宋史禮志真宗咸平四年十一月二十日御龍圖閣曲宴詔近臣觀太宗草

行飛白篆籀

八分書及畫



謝自然上昇增太平廣記謝自然十一月二十日辰時於金泉道場白日昇天須臾五色雲遮亘一川異香散漫所著衣冠簪帔一十事脫畱小繩床上結繫如舊

二十一日

講武臺

增唐會要顯慶二年十一月二十一日講武澧水之南行三驅禮設次於尚書臺以觀之許州長史封道弘奏臺本漢南郡太守馬融講尚書於此因以為名今陛下親降此臺以觀校習請改為講武臺

后土祠文

增唐會要開元二十年十一月二十一日祀后土雕上禮畢刊石祠所上自為文

舉行轉對

增玉海咸平三年十一月二十一日詔舉行轉對其未預次對羣官召上章奏事

試行義文學

增玉海嘉祐四年令諸道漕憲舉行義文學之士熙寧元年復詔搜訪三年十

一月二十一日癸巳舍人院試劉蒙等二十一人賜出身

二十二日

校獵賜宴

增玉海咸平四年十一月二十二日庚寅校獵近郊至棘店頓宴從臣

置都水監

增玉海嘉祐三年十一月二十二日置在京都水監以呂景初判監罷河渠司

二十三日

復練塘

**增**李華復練塘序練湖幅員四十里永泰元年十一月二十三日拜韋損為潤州增理故

塘繚而合之廣湖為八十里象月之規儔金之固灑灑如吞吐日月沈沈如韞蓄風雨所潤者遠原隰皆春疏為斗門河渠通流

上南郊賦

**增**全唐詩話景龍三年十一月二十三日南郊徐彥伯上南郊賦

南斗奏生籍

**原**翰墨全書十一月廿三日南斗六司星君奏上生籍之辰

二十四日

白石閱兵

**增**宋史禮志乾道二年十一月二十四日幸白石教塲閱兵皇帝登臺舉黃旗諸軍

皆拜舉白旗三司馬軍首尼相接舉紅旗向臺合圍射生官兵出馬射獐兔舉黃旗射生官兵就臺下獻所獲帝遂慰勞賜賚諸將鞍馬金帶以及士卒諸軍權騰鼓舞就列百姓觀者如山時久陰曠暨帝出郊雲霧解駁風日開霽

修汴都志

**增**玉海宣和三年十一月二十四日乙酉修汴都志從太常博士范子奇之言也詔

鄭居中提領修纂子奇及秘書丞李焯編類

印通鑑紀事

**增**玉海淳熙三年十一月二十四日參政龔茂良言袁樞編通鑑紀事有補治

道增益見聞詔嚴州摹印十部上之



二十五日

嶺南陽雁

增唐會要大曆二年嶺南節度使徐浩奏十一月二十五日當管懷集縣陽雁來乞

編入史從之先是五嶺之外翔雁不到浩以為陽為君德雁隨陽者臣歸君之象也

獻韻海鏡源

增唐會要大曆十二年十一月二十五日刑部尚書顏真卿撰韻海鏡源三百

六十卷表獻之

詔付集賢院

詔天慶節燃燈

增宋史禮志大中祥符元年十一月二十五日詔天慶節聽京城燃燈一

晝夜

舉人到限

增玉海景祐四年詔禮部貢舉舉人到以十一月二十五日為限先是崇政說書賈

昌朝言舉人有親戚在本貫守官及隨侍遠地并發解官之親戚令轉運司差官類試每十人解三人其距本貫二千里內者令歸赴秋試學士丁度等議謂二千里內舉人赴試不及故有是詔

書七德舞

增玉海淳熙五年十一月二十五日書白居易七德舞賜翰林學士周必大

二十六日

加給料錢

增唐會要貞元三年十一月二十六日勅京官及京兆府縣官加給料錢

蘇軾十一月二十六日松風亭下梅花盛開詩

增浮山羅

下梅花村玉雪為骨冰為魂紛紛初疑月掛樹耿耿獨與參橫昏先生索居江海上悄如病鶴棲荒園天香國豔肯相顧知我酒熟詩清溫蓬萊宮中花鳥使綠衣倒挂扶桑暎抱叢窺我方醉臥故遣啄木先敲門麻姑過君急灑掃鳥能歌舞花能言酒醒人散山寂寂惟有落蕊黏空樽

### 朱子十一月二十六日宿黃花渡口詩

**增**鼎足爐邊坐陶然共一

樽道心元自勝世味不須論安穩三更睡清明一氣存雖無康樂句聊爾慰營魂

### 二十七日

### 奉上冊寶

**增**宋史禮志真宗大中祥符元年十一月二十七日帝於朝元殿備禮奉祖宗尊諡

冊寶再拜授攝太尉王旦奉之以出安太祖

冊寶於玉輅太宗冊寶於金輅詣太廟奉上

### 繡衣鹵簿

**增**玉海開寶四年十一月二十七日合祭天地於園丘始用繡衣鹵簿

### 孝經指解

**增**玉海紹興十一年十一月二十七日林獨秀進孝經指解賜束帛

### 二十八日

### 宴弘教門

**增**唐會要貞觀十七年十一月二十八日誕皇孫宴宮寮於弘教門太宗幸東宮自

殿北門入謂宮臣曰頃來生業稍可非乏酒食而唐突公等宴會朕有甲觀之慶故就卿等為樂耳

### 造三陽宮

**增**唐會要聖曆三年十一月二十八日造三陽宮於嵩陽縣



錄勲臣子孫

增玉海慶曆三年十一月二十八日命天章閣待制王洙集賢校理歐陽修就

國史院同詳定國朝勲臣名次上之詔本家既無人食祿者錄其子孫一人自樞密使曹彬而下凡二百

四

新定五經字樣

增玉海重和元年十一月二十八日言者謂張參唐元度所撰五經文字

九經字樣辨證書名頗有依據然其法本取蔡邕石經許氏說文宜重加修定分次部類為新定五經字

樣從之

飲薑蜜酒

增蘇軾文集元祐四年十一月二十八日既雨微雪予以寒疾在告危坐至夜與王

元直飲薑蜜酒一杯醺然徑醉親執鎗匕作齋青鰕羹食之甚美他日歸鄉勿忘此味也

二十九日

星在天龍

增國語武王伐殷星在天龍注星辰星也天龍次名從須女八度至危十五度為天

龍謂周正月辛卯朔二日壬辰辰星始見三日癸巳武王發行二十八日戊午渡孟津距戊子三十一日

二十九日己未晦冬至辰星在須女伏天龍之首

造送諸州圖

增唐會要諸州圖每三年一送職方建中元年十一月二十九日改至五年一

造送如州縣有創造及山河改移即不在五年之限也

**加嶽后號**

原宋會要大中祥符四年十一月二十九日詔加上東嶽淑明后南嶽景明后西嶽

肅明后北嶽靖明后中嶽正明后之號

**免所過田租**

增玉海慶曆六年十一月二十九日獵城南之東韓邨初至玉津園降輦乘馬

分騎士數千為左右翼節以旌鼓合圍場徑十餘里部隊相屬上按轡中道親挾弓矢而屢獲禽至棘店御帳殿召父老問以子孫供養幾何土地種植宜否慰勞久之詔免所過民田租

**衛士奏技**

增玉海慶曆六年十一月二十九日獵城南還次近郊遣衛士更奏技於前皆兩兩

相當掉鞅挾槊以相決勝謂輔臣曰此可以觀材勇也

**韓琦壬子十一月二十九日時雪方洽詩**

增近臘猶慳六出繁

忽驚盈尺及民寬萬方蒙澤人人賀通夕無風陣陣乾危石蓋深鹽虎陷老枝擎重玉龍寒欲知靈鷲銀為界試陟高樓一望看

三十日

**設大祭**

增北史婆利國傳祭祀必以月晦盤貯酒肴浮之流水每十一月必設大祭

**避月晦**

增避暑錄話古者舉大事皆避月晦說者以陰之窮為諱南郊必用冬至之日周禮也皇

祐四年當郊而日至適在晦宋元憲公為相預以為言遂改為明堂議者以為得禮



**改郊**增宋史禮志隆興二年詔曰朕恭覽國史太祖乾德詔書有云務從省約無至勞煩仰見事天之誠愛民之仁所以垂萬世之統者在是今歲郊見可令有司除禮物軍賞其餘並從省約初降詔以十一月行事以冬至適在晦日以至道典故改用獻歲上辛遂改來年元為乾道

### 政典

**命和叔**原書申命和叔宅朔方曰幽都疏重命和氏而字叔者合居治北方名曰幽都之地於此

處所主之職使和叔主治之

**朔易**原書平在朔易傳易謂歲改易於北方平均在察其政以順天常疏以三時乃役力田野當次

序之冬則物皆藏入須省察之冬日蓋藏天之常道也

**北巡守**原書十有一月朔巡守至於北岳恒山疏西岳禮畢即向恒山朔北也傳

有一月北巡守至於北岳之下一如西岳之禮

**居元堂大廟**原禮天子居元堂太廟集說元堂太廟北堂當太室也

**禁令**原禮命有司曰土事毋作慎毋發蓋毋發室屋及起大衆以固而閉註太陰用事尤重閉藏

**申宮令**原禮命奄尹申宮令審門閭謹房室必重閉註奄尹主領奄豎之官也於周則為內宰掌

治王之內政宮令譏出入及開閉之屬重閉外內閉也

**省婦事**

**原禮**

省婦事母得淫雖有貴戚近習無有不

類也婦人須事者務取質素無得過為淫巧

**命大酋**

**原禮**

乃命大酋秣稻必齊麴蘖必時湛熾必

大酋監之母有差貸集說大酋酒官之長也秣稻酒材也必齊多寡中度也必時製造及時也湛漬而滌之也熾蒸炊也必絜無所汚也必香無穢惡之氣也必良無罅漏之失也必得適生熟之宜也

**命祈祀**

**原禮**

天子命有司祈祀四海大川名源淵澤

也祀之

**收斂**

**原禮**

是月也農有不收藏積聚者馬牛畜獸有

放佚者取之不詰註此收斂尤急之時人有取者不罪所以警懼其主也又山林藪澤有能取蔬食田獵禽獸者野虞教道之其有相侵奪者罪之不赦

註務收斂野物也大澤曰藪草木之實為蔬食

**齊戒**

**原禮**

君子齊戒處必掩身身欲寧去聲色禁者

欲安形性事欲靜以待陰陽之所定集說仲夏之陰猶微而此時之陰尤盛陰微則盛陽未至於甚傷陰盛則微陽當在於善保故也

**助閉藏**

**原禮**

塗闕廷門閭築圉圉此以助天地之閉藏也註順時氣也

**大閱**

**原禮**

周禮夏官大司馬中冬教大閱註冬大閱簡軍實疏以冬時農隙故大閱簡軍實之凡要也



張衡東京賦歲惟仲冬大閱西園虞人掌焉先期戒事悉率百禽鳩諸靈囿獸之所同是謂告備

**狩田** 原周禮夏官大司馬遂以狩田 註冬田為狩言守取之無所擇也 夏小正十有一月王狩 傳狩

者言王之時田冬獵為狩 唐書禮志皇帝狩田之禮亦以仲冬前期兵部集眾庶修田法

**饁獸獻禽** 原周禮夏官大司馬致禽饁獸於郊入獻禽以享烝 註聚所獲禽因以祭四方神於

郊入又以禽祭宗廟 唐書禮志狩田乃命有司饁獸於四郊以獸告至於廟社

**約法三章** 原漢書高帝紀元年十一月詔諸縣豪桀曰父老苦秦苛法久矣誹謗者族耦語者

棄市吾與諸侯約先入關者王之吾當王關中與父老約法三章耳殺人者死傷人及盜抵罪餘悉除去

秦法吏民皆按堵如故凡吾所以來為父兄除害非有所侵暴毋恐

**祠孔子** 增漢書高帝紀十二年十一月行自淮南還過魯以太牢祠孔子 晉書禮志武帝泰始三

年十一月改宗聖侯孔震為奉聖亭侯又詔太學及魯國四時備三牲以祀孔子

**舉孝廉** 增漢書武帝紀元光元年冬十一月初令郡國舉孝廉各一人 後漢書和帝紀永元十三年十一月丙辰詔曰幽并涼州戶口率少邊役眾劇

束脩良吏進仕路狹其令緣邊郡口十萬以上歲舉孝廉一人不滿十萬二歲舉一人五萬以下三歲舉

一人 又順帝紀陽嘉元年十一月辛卯初令郡國舉孝廉限年四十以上諸生通章句文吏能牋奏乃

得應選其有茂材異行若顏淵子奇不拘年齒



**祠后土**增漢書武帝紀元鼎四年十一月甲子立后土祠於汾陰睢上唐書明皇紀開元二十年

十一月庚申如汾陰祠后土大赦免供頓州今歲稅賜文武官隆勳爵諸州侍老帛武德以來功臣後及

唐隆功臣三品以上一子官

**封周後**增漢書武帝紀元鼎四年十一月行幸滎陽還至洛陽詔曰觀於周室邈而無祀詢問耆

老迺得周子嘉其封嘉為周子南君以奉周祀註子南其封邑之號以為周後故總言周子南君

**舉孝弟**增漢書宣帝紀地節三年十一月詔曰朕既不逮導民不明反側晨興念慮萬方不忘元

元惟恐羞先帝聖德故並舉賢良方正以親萬姓歷載臻茲然而俗化闕焉傳曰孝弟也者其為仁之本

與其令郡國舉孝弟有行義聞於鄉里者各一人

**祀蕭霍**增後漢書明帝紀永平二年十一月甲申遣使者以中牢祀蕭何霍光帝謁陵園過式其墓

**置都護**增後漢書明帝紀永平十七年冬十一月初置西域都護戊巳校尉

**白虎議奏**增後漢書章帝紀建初四年十一月壬戌詔下太常將大夫博士議郎郎官及諸生

諸儒會白虎觀講議五經同異使五官中郎將魏應承制問侍中淳于恭奏帝親稱制臨決如孝宣甘露

石渠故事作白虎議奏註今白虎通



**蕭曹紹封**增後漢書和帝紀永元三年十一月癸卯詔曰高祖功臣蕭曹為首有傳世不絕之

義曹相國後容城侯無嗣朕望長陵東門見二臣之  
寵循其遠節每有感焉忠義獲寵古今所同可遣使  
者以中牢祀大鴻臚求近親宜  
為嗣者須景風紹封以章厥功

**舉武猛**增後漢書安帝紀建光元年十一月癸卯詔三公特進侯卿校尉舉武猛堪將帥者各五人

**安身靜體**增後漢書禮儀志冬至前後君子安身靜體百官絕事不聽政擇吉辰而後省事

**監察奏事**增漢舊儀惠帝三年相國奏諸御史監察三輔郡所察者九條監者二歲一更常以

十一月  
奏事

**官都尉**原淮南子十一月官都尉注冬成軍師故官都尉

**舉淹滯**增晉書武帝紀魏咸熙三年十一月乙未令諸郡中正以六條舉淹滯一曰忠恪匪躬二

曰孝敬盡禮三曰友于兄弟四曰絜身  
勞謙五曰信義可復六曰學以為已

**幸辟雍**增晉書武帝紀泰始六年冬十一月幸辟雍行鄉飲酒之禮賜太常博士學生帛牛酒各

有  
差

**作乾象歷**增晉書律歷志漢靈帝時會稽東部尉劉洪作乾象法冬至日日在斗二十二度以

術追日月五星之行推而上則合於古引而下則應於今名為乾象歷

**講武**

**增**北史周高祖紀建德二年十一月辛巳帝親帥六軍講武於城東唐書禮志仲冬之月講武

於都外前期十有一日所司奏請講武兵部承詔遂命將帥簡軍士

**祭馬步**

**原**隋書禮志隋制仲冬祭馬步於大澤以剛日牲用少牢

**東封泰山**

**增**玉海開元十三年撫州三脊茅生詔張說等於集賢院刊撰東封儀注十一月九

日日南至上備法駕登山十日祀昊天上帝於封臺之前壇禮畢還齊宮慶雲隨馬祥風繞輅張說等蹈舞拜賀十一日祀享地祇於社首之泰圻壇至岳西大風裂幕折柱張說昌言海神來迎至升壇休氣四

塞登歌奏樂有祥風自南而至絲竹之聲飄若天外及禪社首五色雲見日重輪十二日上御朝觀之帳殿朝羣臣大赦天下上製紀泰山銘親札勒於山頂之石中書令張說撰封祀壇頌侍中源乾曜撰禪社首壇頌禮部尚書蘇頌撰朝觀壇頌以紀聖德

**試薦官**

**增**舊唐書德宗紀貞元九年十一月甲辰冬制薦官宜令尚書丞郎於都堂訪以理術論

時務狀考其通否及歷任考課事迹定為三等并舉主姓名仍令御史一人為監試如授官後政事能否委御史臺觀察使以聞而殿最舉主

**宴賜高年**

**增**唐書太宗紀貞觀十八年十一月庚辰遣使巡問鄭汝懷澤四州高年宴賜之



上衛士帳

**增**舊唐書職官志諸府折衝都尉每歲十一月以衛士帳上尚書省天下兵馬之數

以聞通典凡府在赤縣為赤府在畿縣為畿府衛士以三百人為團團有校尉五十人為隊隊有正十人為火火有備六馱馬驢米糧介冑戎器鍋幕貯之府庫以備武事每歲十一月以衛士帳上於兵部以候徵發

獲鹿薦廟

**增**實錄貞觀十一年十一月乙未狩於濟源之陵山親御弓矢以所獲鹿薦廟

計偕

**增**六典禮部尚書侍郎之職掌天下貢舉之政凡舉試之制每歲仲冬率與計偕其科有六一

曰秀才二曰明經三曰進士四曰明法五曰書六曰算凡此六科求人之本必取精究理實而升為第其

有博綜兼學須加甄獎不得限以常科又通典唐貢士之科每歲仲冬郡縣館監課試其成者長史會屬僚設賓主有鄉飲酒禮歌鹿鳴之詩既餞而與計偕

寫新曆

**增**集賢注記自置院之後每年十一月內即令書院寫新曆日一百二十本頒賜親王公

主及宰相公卿等皆令朱墨分布具注曆星遞相傳寫謂集賢院本

寫四部書

**增**通典初開元五年十一月於乾元殿東廊下寫四部書仍令秘書監馬懷素右散

騎常侍褚無量總其事於麗正殿安置為修書使

服烏紗帽

**增**中華古今註武德九年十一月太宗詔自今以後天子服烏紗帽百官士庶皆同

服之

**薦麇**增宋史禮志四時薦新仲冬羞以麇

**望祭殿**增宋史禮志凡郊壇值雨雪即齋宮門望祭殿望拜祭日不設登歌祠官以公服行事

**郊廟誓戒**增宋史禮志乾德元年禮儀使陶穀言饗尚書省受誓戒自來一日之內受兩處誓戒有虧虔

潔今擬十一月十六日行郊禮望依禮文於八日先受從事太廟誓戒九日別受郊天誓戒其日請放朝

參從之自後百官受誓戒於朝堂宗室受於太廟

**郊前奏告**增宋史禮志建隆四年十一月詔以郊祀前一日遣官奏告東嶽城隍浚溝廟五龍

廟及子張子夏廟他如儀

**燿火**增宋史禮志開寶元年十一月郊以燎臺稍遠不聞告燎之聲始用燿火令光明遠照通於祀所

**檢按三江**增宋史河渠志大觀元年十一月詔曰禹貢三江既入震澤底定今三江之名既失

其所水不趨海故蘇湖被患其委本路監司選擇能臣檢按古迹循導使之趨下并相度圩畝以聞於是復詔陳仲方為發運司屬官再相度蘇州積水

**收納試卷**增宋史選舉志凡命士應舉謂之鑠廳試所屬先以名聞得旨而後解既集什伍相



保家狀并試卷之首署年及舉數場第鄉貫不得增損移易以仲冬收納月終而畢將臨試期知舉官先引問聯保舉狀僉同而定焉

**幸慶善宮**

**增**冊府元龜貞觀十六年十一月甲子幸慶善宮召武功之郃城立節三時豐義四

鄉士女七十以上及居宮側數百人賜宴父老爭上壽賜帛有差

**功臣門戟**

**增**燕翼貽謀錄慶曆元年十一月郊祀赦文功臣不限品數詔私門立戟文武臣僚

許立家廟已賜門戟給官地修建

**齋娘壻改官**

**增**通鑑景龍三年十一月乙丑祀南郊齋娘有壻者皆改官

**宰相堂封**

**增**玉海開元十年十一月乙未詔宰相共食實封三百戶以七丁為限堂封自此始

**徹黃褥**

**增**玉海乾德元年十一月甲子南郊將升壇有司具黃褥為道上命徹之

**祠官勿回班**

**增**玉海治平二年十一月壬申祀園丘故事親祠皇帝將就版位祠官皆回班

嚮上詔勿回班

**薦直講**

**增**玉海景德二年十一月命邢昺等薦該博端良可為直講者十人

**市糴**

**增**玉海天聖六年十一月京西穀斗十錢命三司市糴

**更蔭補法**

**增**玉海慶曆三年十一月丁亥更蔭補法詔曰周大司樂掌學政以六藝教羣國子

漢光祿勳典仕籍以四行察三省郎今蔭法之所原  
古典刑之是憲敝生作法之涼濫起推恩之過故俾  
宰臣詳為定令冢嗣先錄以篤為後之體支子限年  
以明入官之重設考藝之格立保行之條庶乎位有  
稱職之才朝多世濟之美非  
惟為國造士是乃為臣立家

**進漢唐故事**

**增**玉海元祐二年十一月壬申詔講讀  
官遇不開講日具漢唐故事有益政體

者二條進入從蘇頌之請也頌每進可為  
規戒有補時政者述以己意反復言之

**建北太一宮**

**增**玉海政和八年著雍閏茂之歲太一  
臨乾維建北太一宮於龍德宮後直都

城之西北隅前殿曰黃秘次曰統元神  
貺殿門曰黃秘之門仲冬上辛歲事

**算學饗祀**

**增**玉海大觀三年十一月算學尊黃帝為  
先師風后等配饗商巫咸至周王朴七十

人從祀

**民用**

**厥民隩**

**原**書厥民隩**疏**仲冬禾稼已入農事  
閑暇其時之人皆處深隩之室也

**于貉**

**原**詩一之日于貉**疏**一之日  
往捕貉取皮庶人自以為裘

**女功止**

**增**詩入此室處**疏**從養蠶而至此時一歲  
之女功止故告婦子令之入室避寒也

**伐木取竹箭**

**原**禮日短至則伐木取竹箭**集說**陰盛  
則材成故伐而取之大曰竹小曰箭



**土功息**增左傳日至而畢注日南至微陽始動故土功息

**不穿井**原淮南子冬至陰氣極則北至北極下至黃泉故不可以鑿地穿井

**收苜蓿**原孝經援神契仲冬昴星中收苜蓿

**買白犬**增四民月令先後冬至各五日買白犬養之以供祖禰

**入小學**增四民月令冬十一月硯水凍命幼童讀孝經論語篇章入小學

**寢別內外**增四民月令冬十一月陰陽爭血氣散冬至日先後各五日寢別內外

**釀醢**增四民月令冬十一月可釀醢

**糴秬稻**增四民月令冬十一月糴秬稻粟豆麻子

**鹹菹**原荆楚歲時記仲冬之月采擷霜蕪菁葵等雜菜乾之並為鹹菹有得其和者並作金釵色汁

酸美醒酒所宜也

**掘土取笋**增齊民要術永嘉記日凡諸竹笋十一月掘土取皆得長八九寸十一月笋土中已

生但未出須掘土取

**采菟**增名醫別錄菟實一名莫實細菟亦同生淮陽川澤及田中葉如藍十一月采弘景日細菟即被霜乃熟故云十一月采

**蕺荷**

**增**圖經本草蕺荷荆襄江湖間多種之荆楚歲時記云仲冬以鹽藏蕺荷用備冬儲又以防蟲

**楓香脂**

**增**圖經本草楓香脂南方及關陝多有之實大如鴨卵曝乾可燒十一月採之其皮性澀

煎飲之  
止水痢水

**瑰蓴**

**增**爾雅翼蓴菜十一月萌在泥中麤短名瑰蓴味苦體澀取以為羹猶勝雜菜宜雜鮒鯉為羹

又宜  
老人

**造酒**

**增**癸辛雜識凡造酒冬至前最佳勝於臘中蓋氣未動故也今造鹽菜者亦必於冬至前則可

以久  
雷矣

**種附子**

**增**彰明附子記其播種以冬盡十一月止

**修池塘**

**增**農桑撮要十一月修池塘宜於農隙之時填補圩岸令高中間要挑掘令深則聚水寬

廣可以防有乾  
旱溉灌田禾

**採日子**

**增**農政全書採日子在中冬但以熟為候採須連枝條剝之但畱取指大以上枝其小者

總無子亦宜剝去則  
明年枝實俱繁盛

**生氣在戌**

**原**遵生八牋仲冬之月生氣在戌坐臥宜向西北

**種大小麥**

**增**便民圖纂十一月種大小麥稻收割畢將田鋤成行壟令四畔溝洫通水下種以



灰糞蓋之諺云無灰不種麥須  
灰糞均調爲上宜雪壓易長

**壅椒** 增便民圖纂十一月壅椒宜用焦土乾糞培壅  
與草蓋免致凍死遇旱用水澆灌此物乃陽中

之樹所以  
不耐寒

**羊羔酒** 增便民圖纂十一月羊羔酒宜和殿方米一  
石蒸熟後蒸羊肉七斤麩十四斤將肉切四

方仍爛煮杏仁一斤同煮留汁七斗將飯麩加  
木香一兩同醞母下水十日成酒味極甘滑

**香蘿蔔** 增便民圖纂十一月香蘿蔔切作骰子塊鹽  
醃一宿晒乾薑絲橘絲蒔蘿苧香拌勻煎滾

常醋潑用磁器  
盛曝乾收貯

**醃鴨子** 增便民圖纂自冬至後皆可醃鴨子每鴨子  
一百個用鹽十兩灰三升米飲調成團收乾

甕內可留至  
來年夏間食

**冬菜** 增家塾事親十一月醃冬菜取上好菜洗淨用  
草束一周時下缸每百筋入鹽七斤壓以石塊

三日後番一次去石待鹽水入菜三日後仍以石壓  
半月可食每株絞緊入罈內納實以原鹹水浸之可

至來夏  
不壞

**種油菜** 增務本新書十一月種油菜稻收畢鋤田如  
麥田法既下菜種和水糞之芟去其草再糞

之雪壓亦易長明年初  
夏間收子取油甚香美

枳籬增務本新書十一月農隙之時方可作園籬用枳實樹周行均種直至來春削橫校必畱距否則凍死種刺榆及柳亦通

藏金橘增常氏日錄十一月收藏金橘法安錫器內芝蔴雜之經久不壞若橙橘之屬藏菜豆中極妙勿近米邊見米即爛

收蔗增備用時令十一月收蔗法蔗性雖硬而極寒則凍蔗既起場於冬至後必掘土坑丈深埋蔗於中而土覆之以封初陽之氣則可至來春不壞

食雉兔增食物本草雉肉味酸寒無毒雖野味之貴食之損多益少十一月食之有補兔肉味辛

平無毒主補中益氣孟詵云十一月可食服丹石人相宜以其性冷故也不宜與薑橘同食

食麇增食物本草麇肉味甘溫無毒補益五臟十一月食之甚美餘月食之動氣

窖藏花木增北京歲華記十一月人家墻戶藏花木於窖

趙孟頫十一月耕詩增農家值豐年樂事日熙熙黑黍可釀酒在牢羊豕肥東鄰有一女西鄰有一兒兒年十五六女大亦可笄財禮不求備多少取隨宜冬前與冬後婚嫁利此時但願子孫多門戶可扶持女當力蠶桑男當力耘耔

趙孟頫十一月織詩增冬至陽來復草木潛滋萌君子重其然吾道自此亨父母坐



堂上子孫列前榮再拜稱上壽所願百福并人生屬  
明時四海方太平民無札瘥者厚澤敷羣情衣食苟  
給足禮義自此生願言  
興學校庶幾教化成

### 物候

**鳥獸毳毛**

原書鳥獸毳毛疏仲冬鳥獸皆生毳毳細毛以自溫暖

**鵲巢**

增詩維鵲有巢箋鵲之作巢冬至架之至春乃成淮南子陽生於子故十一月日冬至鵲始架巢

**冰壯地坼**

原禮冰益壯地始坼呂氏春秋註立冬後三十日大雪節故冰益壯地始坼凍裂也

**鷓旦不鳴**

原禮鷓旦不鳴集說鷓旦夜鳴求旦之鳥也呂氏春秋註鷓旦山鳥陽物也是月陰盛故不鳴也

**虎始交**

原禮虎始交呂氏春秋註虎乃陽中之陰也陰氣盛以類發也

**芸荔生**

原禮芸始生荔挺出註芸香草也荔挺馬薺也疏芸始生荔挺出者以其具香草故應陽氣而出後漢書陳寵傳冬至之節陽氣始萌故十有一月有蘭射干芸荔之應傅亮冬至詩星昴殷仲冬短晷窮南陸柔荔迎時萋芳芸應節馥

**蚯蚓結**

原禮蚯蚓結疏結猶屈也蚯蚓出穴屈首下嚮陽氣氣動則宛而上首故其結而屈也

麋角解

**原**禮麋角解疏麋為陰獸冬至陰方退故解

冬至陽氣至始動諸向生皆蒙

蒙符矣故麋角隕記時焉爾

水泉動**原**禮水泉動集說水者天一之陽所生陽生

水盛盆

草萌而赤

**增**公羊傳春王正月疏凡

樹棗

**原**淮南子十一月其樹

蘭射干生

**原**易通卦驗十一月廣莫風至則

次羔

**增**廣雅羊以仲

雉鳴

**增**爾雅翼十一月雷

河豚

**增**爾雅翼鯽今之河豚其出有時率以冬至後

冬至日輒有之故說者解易信及豚魚以為即此蓋

桂枝瓜

**增**廣志桂枝瓜長一尺

冬李

**增**齊民要術廣志

有冬李十一月熟



款冬花

**增**各醫別錄款冬花生常山山谷及上黨水禽登於北山於時仲冬之月冰凌盈谷積雪被崖顧見款冬煒然始敷

禽登於北山於時仲冬之月冰凌盈谷積雪被崖顧見款冬煒然始敷

貼梅花

**增**楊允孚灤京雜咏詩試數牕間九九圖餘是杏株

自註冬至後貼梅花一枝於牕間佳人曉粧日以臘脂圖一圈八十一圈既足變作杏花即煖回矣

茶梅花

**原**草花譜茶梅花開十一月中正諸花凋謝之候花如鵝眼錢而色粉紅心黃開且耐久

望之雅素無此則子月虛度矣

早梅

**增**性理大全程子曰早梅冬至已前發方一陽未生然則發生者何也其榮其枯此萬物一箇

陰陽升降大節也然逐枝自有一箇榮枯分限不齊此各有一乾坤也各自有箇消長只是箇消息惟其消息此所以不窮

夏枯草生葉

**增**本草綱目夏枯草生平澤冬至後生葉似旋復

雷陽種稻

**原**一統志雷陽界稻十一月下種揚雪耕耘

治牡丹法

**原**遵生八牋治療牡丹法冬至前後以鍾乳粉和硫黃一二錢掘開泥培之則花至

來春大盛種時以白斂拌土欲絕蟻螬土蠶食根有蛀眼以硫黃末入孔杉木削針針之蟲斃若有空眼

處折斷捉  
蟲亦可

**盦芙蓉條**

增花譜盦芙蓉條十一月斫舊枝條盦稻草灰內二日乃種

**栽菊**

增羣芳譜凡要菊盛花大更無別法十一月大白芽者種之遮霜雪要見日色開春花自盛

**占驗**

**愆候**

原禮仲冬行夏令則其國乃旱氛霧冥冥雷乃發聲註午火之氣所克也又行秋令則天時雨汁瓜瓠不成國有大兵註酉金之氣所淫也又行春令則蝗蟲為敗水泉咸竭民多疥癘註卯木之氣所

也泄

**占晷景歲星**

增史記天官書冬至短極縣土炭炭動鹿解角蘭根出泉水躍畧以知日至要

決晷景歲星所在五穀逢昌其對為衝歲乃有殃正義言晷景歲星行不失舍則無災異五穀逢其昌盛若晷景歲星行而失舍有所衝則歲乃有殃

**天泉**

增史記天官書困敦歲歲陰在子星居卯以十月與氏房心晨出日天泉元色甚明江池其昌不利起兵其失次有應在昴

**日南不極**

增漢書天文志冬至日南極晷長南不極則溫為害

月令輯要

卷十九

十一月令

占驗



占明年夏至

**增**淮南子冬至加三日則夏至之日也  
**註**冬至後三日則明年夏至之日

占後年冬至

**增**淮南子歲遷六日終而復始  
**註**今年以子冬至後年以午冬至

晷如度

**增**易通卦驗冬至之日樹八尺之表日中視其晷晷如度者其歲美人民和順

雲送迎日

**增**易通卦驗冬至日謹候見雲迎送從其鄉來歲美民和  
春秋感精符南至有雲迎

日年豐之象尚書璇璣鈴冬至陰雲祁寒有雲迎日者來歲大美  
玉海開元十一年十一月癸酉日長至

太史奏有雲迎日祥風至日有冠珥太平之嘉應

虛風

**原**京房易占冬至日南風為虛風舊傳入夜半至者其民皆臥而弗犯故其歲民少病晝至者

民皆中於

虛風當病

虹出占

**增**京房易占虹以冬至四十六日內出  
東北方貫艮中春多旱夏多火災粟貴

候赦法

**增**風角書候赦法冬至後盡丁巳之日有風從巳上來滿三日以上必有大赦

米價占

**增**紀歷撮要冬至前米價落貧兒轉消索  
長養冬至前米價落貧兒轉消索

冬至後得壬

**原**紀歷撮要清臺占法云冬至後一日得壬炎旱千里二日得壬小旱三日得

壬平四日得壬五穀豐五日得壬少水六日得壬大水七日得壬河決流八日得壬海翻騰九日得壬大熟十日得壬至十二日得壬五穀不成

月令

卷十九

十一月令

占驗

**五星在東**增玉海慶曆三年十一月壬辰五星皆在東方占日中國安寧

**朔日占**原陶朱公書朔日值大雪或冬至皆主有災風雨主麥好西風主盜賊起

**觀雲**原陶朱公書冬至日觀雲須於子時至平旦觀之若青雲北起主歲稔民安赤雲主旱黑雲主

水白雲主人災黃雲大熱無雲主凶

**占風**原陶朱公書冬至日占風若南風主穀貴北風主歲稔西風主禾熟若東南風久有重霧主水

西南風主久陰諺云冬至西南百日陰半晴半雨到清明

**占晴雨**增農政全書十一月冬至諺曰乾冬濕年坐了種田又云開熱冬至冷淡年蓋吳人尚冬

至欲晴故也或云冬至雨年必晴冬至晴年必雨此說頗准嘉興縣志冬至晴主來歲稔

**三星入地**增金臺記聞北人驗時以天明三星入地為河凍之候正德丙寅冬至在十一月二

十八日都下寒最遲而河亦遲凍是月望日與諸吉士早朝共試觀之黎明三星正入地而河冰亦適合云

**彌陀生日**增嘉定縣志十一月十七為彌陀生日忌南風相傳有偈云南風吹我面有米也不

賤北風吹我背無米也不貴極驗

雜紀



獻師子大爵增後漢書和帝紀永元十三年冬十一月安息國遣使獻師子及條枝大爵

校獵上林增後漢書安帝紀延光二年十一月甲辰校獵上林苑

周冕增白虎通麻冕者何周宗廟之冠也禮曰周冕而祭十一月之時陽氣冕仰黃泉之下萬物被

施前冕而後仰故謂之冕

委貌增白虎通士冠經曰委貌周道所以謂之委貌何周統十一月為正萬物萌小故為冠飾最小

故曰委貌委貌者委曲有貌也

焚雉頭裘增晉書武帝紀咸寧四年十一月太醫司馬程據獻雉頭裘帝以奇技異服典禮所

禁焚之於殿前

鑄陰燧增搜神記夫金之性一也以五月丙午日中鑄為陽燧以十一月壬子夜半鑄為陰燧

高陽氏正增宋書禮志高陽氏以十一月為正麋玉以赤繒

獻楛矢石砮增宋書符瑞志孝武帝大明三年十一月己巳肅慎氏獻楛矢石砮高麗國譯

而至

接輿釋遊論增魏書成淹傳顯祖於仲冬之月欲巡

輿釋遊論顯祖覽之詔尚書李訢曰卿等諸人不如成淹論通釋人意乃勅停行

采旁勃

**增**

齊民要術神仙服食經曰七禽方十一月

夢中得瓜

**增**

瓜求之不得忽夢一人黃冠謂曰聞子父

病思瓜故送瓜以助子華拜受之及寤瓜在手馨香非常父食而愈

子弟隨官所

**增**

唐書太宗紀貞觀元年十一月巳未許子弟年十九以下隨父兄之官所

獲瑞石

**增**

唐書太宗紀貞觀十七年十一月壬午以涼州獲瑞石赦涼州

東女國正月

**增**

舊唐書東女國傳東女國以十一月為正

獻馴象

**增**

實錄大曆六年十一月文單國王來朝獻馴象十有一宰臣上言曰春秋載異國之朝

周書美西旅之獻重其德化及遠也

金桃銀桃

**增**

唐會要貞觀九年十一月康國獻金桃銀桃詔令植苑中

得古犁鏵

**增**

唐會要開元二十九年十一月陝郡太守李齊物鑿三門山路通流便漕運開渠

得古犁鏵三於石下皆有文曰平陸遂改河北縣為平陸

麟食嘉禾

**增**

唐會要元和七年十一月梓州上言龍州界嘉禾生有麟食之每來一鹿引之羣

鹿隨之使畫工就圖之并嘉禾一函以獻

置飛騎

**增**

通鑑貞觀十二年十一月丁未初置左右屯營飛騎於元武門以諸將軍領之又簡飛



騎才力驍健善騎射者號百騎衣五色袍乘駿馬以虎皮為韉凡遊幸則從焉

**宣示玉牒**

增通鑑開元十三年十一月丙戌至泰山上問禮部侍郎賀知章曰前代玉牒之文

何故秘之對曰或密求神仙故不欲人見上曰吾為蒼生祈福耳乃出玉牒宣示羣臣

**馬色如雲錦**

增通鑑開元十三年十一月丙戌至泰山太僕卿王毛仲以牧馬數萬匹從色

別為羣望之如雲錦上嘉毛仲之功癸巳加毛仲開府儀同三司

**賜刺史酒**

增通鑑開元十三年十一月甲午車駕發自泰山庚申上還至宋州宴從官於樓上

刺史寇泚預焉上謂張說曰曷者屢遣使臣分巡諸道察吏善惡今因封禪歷諸州乃知使臣負我多矣

懷州刺史王丘魏州刺史崔沔濟州刺史裴耀卿三人者不勞人以市恩真良吏矣顧謂寇泚曰比亦屢有以酒饌不豐訴於朕者知卿不借譽於左右也自舉酒賜之宰臣帥羣臣起賀樓上皆稱萬歲

**酒杯種瓜**

原續仙傳馬湘有道術嘗於江南刺史馬植坐上仲冬月以酒盃盛土種瓜須臾引

蔓生實食之味甚美

**幸韋嗣立莊**

增冊府元龜景龍三年十一月庚子幸兵部尚書韋嗣立莊舍宴賜甚厚特封

谷為幽栖谷

**宰相生日賜宴會**

增宋史禮志大中祥符五年十一月以宰相王旦生日詔賜羊三十

口酒五十壺米麪各二十斛令諸司供帳京府具衙前樂許宴其親友且遂會近列及丞郎給諫修史屬官

**醴泉出**

增宋史五行志大中祥符八年十一月通

**木有文**

增宋史五行志至道六年十一月襄州民劉士家生木有文如魚龍鳳鶴之狀

**賜供御筆**

增宋會要祥符二年十一月丁巳內出太宗鏤文紅管供御筆十二管分賜王旦以

丁人一雙

**郊祀天貺**

增宋會要乾道九年十一月四日詔郊祀免奏瑞符九日親郊十一日宰臣曾懷等

奏郊祀禮成兼以瑞雪應時未明而霽以至青城宿齋園丘歲事天氣澄爽此皆聖德昭著高穹降格上日君臣之間正當修飭以答天貺

**鍊方諸**

增太平廣記感應經方諸用十一月壬子日夜半時鍊五色石為之狀如圻杯向月即得

津水

**一陽三水**

增澠水燕談錄王元規慶曆末赴吏部選一夕夢一人衣冠高古因訪以當授何地

官期早晚書八字與之云時生一陽體合三水既覺不悟意及注官河南河清主簿凡三字從水到官日至正冬



梅市增成都古今記

丹書臺增玉海黃初元年十一月崇於繁陽有黃鳥銜丹書集於尚書臺於是改元

觀衛士還營增玉海大中祥符九年十一月丁丑車駕至自泰山上御乾元樓召近臣觀衛

士甲馬還營乙酉大宴含光殿勞旋也

禱雪增玉海雍熙二年十一月戊子以時雪未降命羣臣分禱京師祠廟是日雨雪上大悅製詩二

首賜宰相等令屬和

乞四體書增玉海淳化五年十一月丁巳上出四體書所賦詩草書者尤絕妙蘇易簡頓首告

上乞之呂蒙正亦欲得焉易簡前奏曰臣先請蒙正已不及矣上笑而賜之

新定韻畧增玉海景德四年十一月戊寅詔放行新定韻畧送胄監鏤板先以舉人用韻多異

詔殿中丞丘雍重定切韻陳彭年言省試未有條格命晁迥崔遵度等詳定刻於韻畧之末

瑞雪命題增玉海祥符三年十一月壬午巳丑上作瑞雪詩賜近臣和王召陳從易劉筠也對

崇和殿上謂向敏中等曰從易輩文可觀令卽席賦瑞雪歌上命題陳彭年筆授上覽之賜緋魚

河清增玉海祥符三年十一月庚子陝州言寶鼎縣河清遣官往祭羣臣稱賀

賦師子詩增玉海祥符四年十一月丁丑出占城國所獻師子命近臣視之上作七言詩預觀

者咸賦又作長

歌令近臣屬和

**甘露**增玉海祥符九年十一月壬寅甘露降玉清昭應宮太初殿檜柏上作歌羣臣皆和甲辰降會

靈觀柏木上作七言  
六韻詩羣臣咸和

**太平瑞聖花**增玉海天聖六年十一月癸卯益州獻

花異花似桃四出上異之目為太平瑞聖

**賜笏頭金帶**增玉海慶曆八年十一月癸亥賜王貽

不賜惟張者在密院兼侍中嘗賜之

**書大成殿榜**增玉海紹興六年十一月上書大成殿

殿建於東漢之初平漢人以大隸記修築歲月刻於東楹至今九百四十三年天下棟宇之古無過於此

**景靈宮行禮**增玉海紹興十九年太史令胡平言十

氣開明見帝坐及三台星體明耀十三日車駕至青城陰霧收斂登壇至禮畢天氣澄肅星月明瑩回鑿肆赦有彩雲之瑞乞宣付史館從之上  
因是親製喜霽詩宰輔從臣皆和以進

**鼓舞乞寒**增文獻通考康居國十一月

**鼓舞乞寒**增文獻通考高句麗  
**高麗祭天**增歲以建子月祭天

月令輯要卷十九十一月令

雜紀



壽星臨帝座

增天中記嘉祐八年冬十一月京師有道人遊卜於市莫知所從來貌體古怪

不與常類飲酒無算未嘗覺醉都人士異之相與誼傳好事者潛圖其狀後近侍達帝引見賜酒一石飲及七斗次日司天臺奏壽星臨帝座忽失道人所在仁宗嘉嘆久之

瑞冰

增泊庵集永樂十五年十一月金水河太液池冰凝結衆像態狀奇巧其時密雲亦獻瑞冰如

水晶含玉者凡七與金水河所結無異

送丸擊鼓

增北京歲華記十一月琢石如彈丸置於地童子以足送之前後交擊為勝始擊羯鼓鼓用鐵為圍單皮覆之每十人五人聚擊女子亦然

晉十一月折楊柳歌

增素雪在風流樹木轉枯悴松柏無所憂折楊柳寒衣履薄冰

歡詎知儂否

李賀十一月樂詞

增宮城瓊芳過

迴凜嚴光白天碎碎墮同飲千日酒却天凝寒

作君壽御溝泉合如環素火井溫泉在何處

月令輯要卷十九







